



年

10450

正頤堂詩集卷六

江西汪石
琴家藏本

新安江

權越門著

五言律

春日同人遊染香閣用施愚山先輩壁間韻

叢篁迷曲徑指點賴樵人此地應栖謝當年想避秦雪

消山寺曉梅放野塘春小閣清樽滿悠然物外身

暮春卽事

春鳩鳴屋上微雨過林梢芳草池邊合垂楊檻外交鈞

歸鷗入市花落燕營巢小酌供蒲筍開軒面遠郊

正頤堂詩集

卷六

題張氏挹霞軒

傍水穿莎徑緣山入竹叢窻留雙塔月門對一帆風鳥

宿前邨綠花飛隔岸紅攜琴何處鼓盡日小樓東

其二

編籬開別圃傍屋築幽亭乳燕巡花逕輕鷗宿月汀朝

烟千樹綠夜雨數燈青不覺吟哦倦前山度落螢

題青岑叔半畝園

依然城郭裡窈窕似山堂烏語風喧樹鐘聲月到廊生

涯歸茗椀心事付詩囊不爲編籬急花時底事忙

冬郊卽事

黯淡年光暮蕭條野色閒
葉辭霜後樹日湧雪中山
曝背圍村叟提壺集市闌
農夫憂宿草麥隴荷耒還

漁梁曉發

擊楫從今日乘風向遠天
孤帆懸落月柔櫓破輕烟
野寺平橋外沙村古樹邊
曉鐘猶未歇人語亂前川

登靈巖山

停舟維木瀆杖策陟靈巖
怪石孤雲湧危亭曙影銜
村田圍野樹遠岫帶湖帆
是處堪長嘯登臨興不凡

正頤堂詩集

卷六

二

過彭蠡湖

彭湖千百里浩淼自無垠
地闢蛟龍窟人祠風雨神
峰迴移日月波動撼星辰
幸得封姨便尋過江水濱

秋夜初晴

蔣陵三日雨蕭寺一庭秋
江濶新寒入山空積暑收
窻聲風滿樹簷色月當樓
坐久煩襟滌微吟夜未休

沙漫洲守風

鳴榔江月上落月泊真州
首夏猶霜露孤舟戀敝裘
墨雲垂海角白浪齧江洲
鎮日沙頭坐停橈避石尤

銅陵夜泊

荻岸微颺發輕帆
冉冉從江空
殘照澗山昏
暮烟濃斷續
孤城柝悠悠
揚野寺鐘
漁舟聊共繫
燈火一重重

郭港夜發

層瀾羈客艇
風定起中宵
人語一江月
漁燈兩岫潮
孤村颺戍角
荒驛問歸橈
九子雲天外
晨光若可招

祁閭舟中雜咏

自遠鄱湖浪
澄波漾篔簹
紋野鷗飛不定
浴鴨自知羣
灘响全疑雨
山多半是雲
一帆舟子夢
端正掛南熏

正頤堂詩集

卷六

三

抵家

日歸當盛夏
鼓楫自殘春
行路越千里
離家浹十旬
關山隣佑客
雨雪類勞臣
輦轂秋風裡
還期覲

紫宸

服闋入都

十年耕負郭
釋耒向皇途
霜露辭先壟
雲烟望上都
終天悲岵妃
沒齒効馳驅
莫忘趨庭訓
涓埃報稱無

舟次楓橋遇吳太史涵齋自都南還

君依丹鳳闕
我戀白雲天
此日秋江上
相逢孤棹前
帆

收香徑月雁落石湖烟去住旋分手臨岐意惘然

題紫陽八景圖

十寺曉鐘

曙色千山合鐘聲十寺同過林喧候鳥渡水促征驄清
徹甬殘月悠揚散曉風小窻聽未盡日上已瞳矐

古渡樵歌

伐木空山曲行歌古渡傍出尋沽酒肆歸趁釣魚航高
調遲流水餘聲媚夕陽當時問津者川上一徬徨

雙塔凌雲

正頤堂詩集

卷六

四

雙塔懸清漢當空落曙光共爭天尺五交暎水中央山
雨濛_匕合溪烟漠_匕藏浩歌凌絕頂野色正蒼茫

兩橋鎖月

孤月橫千頃雙橋鎖一川水波流不去烟影淡相連鷗
起驚樵渡沙明誤釣船最宜三五夕身跨彩虹邊

漁梁新漲

千山圍郡郭六水滙漁梁雷送千村雨波浮萬里航春
流爭楚峽秋洑湧錢塘極目奔騰處人_匕嘆望洋

廻龍積雪

凍雲和朔吹將雪滿天涯虛壑疑藏月空林旋着花乍
封樵客徑還沒野人家霽色來山寺孤松日已斜

重城春雨

雉堞澄溪上人家暮雨邊濛々添樹色漠々帶炊烟柳
濕啼鶉路花飛乳燕天三農方望歲郭外响流泉

夾岸秋林

西風過午夜落葉滿秋郊隔岸窺魚鬣當空露鳥巢江
村開落照古寺出林梢欲種籬邊菊先誅溪上茅

德正郎殉節詩

正郎名克濟滿洲人從將軍
班第駐伊犁餘衆叛死之

正頤堂詩集

卷六

五

從軍過朔漠畧地遍番夷餘燼持竿日將軍伏劍時黃
沙迷甲冑白骨卧旌旗死敵應無恨惟期故國知

其二

馬草龍荒外同悲歸骨難家人釃道路故國葬衣冠賜
券憐孤弱垂髫拜世官旅魂應更慰仇虜已誅殘

宿北郭僧舍

偶宿招提境心閒地更偏疎鐘寒月下殘柝曉風前坐
久分禪榻茶甘得古泉老僧雙白髻相對自悠然

三四夢中句因足成之

日暮清溪上千山擁翠微晚烟堤柳重春雨野花肥
酒分樵渡雜舟借釣磯一邛堪種秫便可老柴扉

移寓 四首

卜居容嘯咏公退自悠然曙閣啣初日晴檐帶晚烟詩
成鳴鳥裏酒酌落花天簿領欣多暇從余理舊編
邸舍更移家春風巷陌斜穿簾憑燕子拂檻信楊花野
慢柴桑酒鄉園穀雨茶素心如過我鎮日話方賒
依然城市裏却已隔輪蹄巷靜塵沙遠庭閒花木齊綠
陰隣院樹香徑燕梁泥四壁餘清照新詩索共題

正頤堂詩集

卷六

六

有堂剛十笏耐可住長安棋懶爭先着棊羞向市彈老
妻藏斗酒稚子勸加餐一室團欒日都忘逆旅難

送汪大芻菴旋南

底事三千里孤舟一日還倚門憂白髮問路向青山驛
舍秋風裏衡廬落葉間高堂相慰藉杯酒破塵顏

秋夜

小院生涼吹當軒一舉杯碧雲和暑盡孤月帶秋來螢
影明幽竹蛩聲咽露苔山中紅葉樹應有早霜催

冬日曉入禁城

侵曉臨衢路霜郊月未昏
估人喧小市朝客擁前門
歲晚蹄輪早天寒狐貉溫
雞鳴猶未已城闕上朝暾

贈廬墓項童子

四首

送母空山裡淒其未忍旋
隻身棲寢地終日泣旻天
宿草碑三尺荒林屋數椽
悠悠風雨夕如侍織機邊
不盡靡依痛三年淚尚存
趨庭須伯仲築室自朝昏
雨雪青燐夜深山虎豹村
髫齡俱不問但覺墓門尊
茲事寧常覲今歸十四齡
渾忘棲墓下宛似拜中庭
草木寒暄易乾坤霜露零
讀書蒿蔚裏三載一燈青

正頤堂詩集

卷六

七

結屋卉山下聊堪慰所思
九熊悲往事懷橘痛何時
歲久更霜露山空狎鹿麋
幾多淒惻處應勒墓田碑

送鎮南牧之任

朔雪犯貂裘衝寒出白溝
此行過萬里到日定三秋
石鼓山城戍沙橋古驛樓
時平蠻徼靜樵牧共嬉遊

冬日不寐

歲逼貂仍敝鐙殘漏已沈
故人千里夢舊事五更心
風牖喧晨柝霜天急暮砧
獨憐車馬客不畏曉寒侵

過萬柳堂舊址

何時楊柳盡寥落一亭空九陌寒烟外千家落照中
賭棋畱夜月門曲度春風往昔觴吟處籬根咽草蟲

夏夜不寐
退食方思卧披衣忽屢興夜聲喧白鳥曙色集青蠅
卷幔仍揮扇移床更避燈宵分人語靜曉市又呼冰

夏夜省直

古槐郎署晚信步向前楹樹密鴉藏影庭空犬吠聲
風和宮漏緩露浥閣鐘清遙望觚稜上高七月倍明

送柳州守之官便道省覲

正頤堂詩集

卷六

八

捧檄歸荆邑分符向柳州倚閭江棹晚陟岵驛亭秋
烟雨三湘合川原百粵收愚溪千載月無恙遲君遊

送衛輝守之官

時前守以不能緝盜罷職

馬首引雙旌翩^匕出帝京迨^匕太行道屹^匕廩延城賣
劍爭驅犢行歌自課耕時平訪遺逸得^匕嘯臺行

送汪貫中之北河佐治

驅馬向河干停鞭夕照殘荻苗秋水汎楓葉晚潮瀾
督亢西風急淖沱暮雨寒田廬資捍禦慎莫厭微官

陶然亭餞周大臨川北河佐治

聊借樽中酒羈君馬上鞭高臺畱晚照近郭帶炊烟秋
水鳧鷖渡蒹葭雁鷺田江南如望裡鄉思莫相牽

其二

相送青門外離懷日漸增蛩鳴高樹靜日落暮煙凝迢
遞河渠暑賢勞都水丞側聞秋雨裡波浪已奔騰

晚涼

晚涼生戶牖一雨似秋深斷續軍城柝高低戍婦砧星
河征雁渡風露草蟲蛩遙識悲歌客蓴鱸思不禁

秋夜寓直

正頤堂詩集

卷六

九

秋夜郎官署蕭閒似旅居孤燈蛩語後殘月雁來初霜
信槐花落風聲梧葉踈更深寒擁絮宮漏自徐徐

家叅戎姪入都距別五年矣

驅馬襄樊路秋風入帝城趨

朝儀表重出鎮帶裘輕故舊歸天策交親會上京老余
郎署裡五載慰離情

恭祀楊忠愍公祠堂

粉署清秋日晨光映几筵備員慙後進將事跂前賢化
窟歸何處騎鯨憶往年千秋應戀此陟降白雲邊

中秋司署題壁

粉署秋中日同僚休沐歸晝長人吏散事省簿書稀暮
柝來官舍疎鐘出禁闈祗緣天路近更得浴清輝

曉行出西郊口占

殘月生郊甸晨霜下禁城街頭呵醉尉馬上數殘更人
語孤村曙鐘聲遠寺明曉寒何太甚九月怯裘輕

寓直讀唐人詩

放衙人吏散蕭瑟一庭空獨樹明殘照虛堂受晚風星
懸簾影外霜落漏聲中視草深更後微吟月正東

正頤堂詩集

卷六

十

午日早朝觀策試天下貢士

薰風來

闕下旭日出雲層珮玉千官集簪毫多士興宮花纏綵
縷角縷絡紅綾競渡龍池上知誰獨早登

晚直省署卽事

晚衙開夕照人吏散新晴徑仄深苔覆庭空細草縈遲
花開更落歸鳥暝猶鳴不覺鐘聲近驅車出禁城

掖垣遇雨

閭闔開宮殿人過霄漢邊午陰生左个暮色隱西偏烟

接繚垣樹雲低鳩鵲天羣公方退食緩步闕門前
苦雨

十日九陰雨秋光柰若何鳴蜩愁晚照飛鵲隔銀河風
急疎砧亂庭空落葉多懸知城郭外村舍比麤螺

送達州牧之任

相送青門外分符向蜀中地隣夔子國壤接楚王宮丙
穴魚登市巫山狄嘯空淪蠻方向化報最首巴東

春郊雨餘

初日青郊外春風綠水邊草低猶帶露柳短未藏烟馬

正頤堂詩集

卷六

十一

怯衝泥路人犁過雨田應緣寒食近釀酒墓門前

清明日率兩兒拜先室墓

四度清明酒澆卿墓草邊他鄉畱淺土故里覓新阡宦
拙仍多滯途遙更未便阿兄今再至知否隔重泉

雨夜野宿

于役向邊塞辭家第一程孤村迷野店古道隔行營山
杳沉雲黑燈懸深樹明停車秋雨裡浙瀝盡殘更

密雲縣

劇邑臨官道馳驅雉堞前近連畿輔地遠接塞垣天路

曲羣山繞行遲怪石駢秦關如咫尺落日一揮鞭

南天門

峻嶺千盤上巖關一徑穿迢迢過北塞巖業拱南天輦
路層雲捧車徒落日懸幅帽今更闢此是帝城邊

旅邸書懷

悵望行營處雲烟第幾重執弓慚我疾射雉定誰能
欽枕臨風榻啣盃聽雨燈秋山門逕外十日怯重登

穹覽寺

寺在喀喇河屯譯之則烏城也乃遼人舊地今城圯無存

塞外天無極憑高一覽過千盤通黍谷百折走灤河野

正頤堂詩集

卷六

十一

色荒城盡秋聲古樹多門前聊繫馬日暮一婆娑

春日寄里中諸同學

薊北寒猶在江南候已更柳迷春水渡花亞夕陽城是
處堪扶杖何時不舉觥酒闌應話我待漏怯裘輕

齋宿夜大風雨

清闕即官署齋居風雨留樹陰連戶暗池水上堦流壞
壁孤燈出空街萬柝收夜寒庭院靜蕭瑟欲成秋

閏五日

競渡還佳節連宵風雨殊小橋流水漫高閣夕陽孤卷

幔仍懸艾開樽更泛蒲湘纍千古恨無事爲踟躕

苦雨

瓦屋生園菌磚庭上井苔蝸涎緣壁盡蟻穴傍階開落
照明猶暗癡雲却復回村農憂粟貴漂麥正增哀

其二

山樹連窻暗溪流到枕鳴芸書朝待曝苔壁夜頻傾蠅
集粘欵案虫飛簇短檠潭泥門外路愁絕僕夫行

雨後宿白雲僧舍

孤村烟際暝古寺雨中過螢影當空亂蛙聲入夜多僧

正頤堂詩集

卷六

三

厨烹客茗禪榻席農蓑獨較征夫早晨鐘出碧蘿

夏日四憎詩

蠅

百族趨炎日營匕爾獨先低飛迎曉幔遽集入賓筵慣
損青緗帙時侵白雪箋從來寧足問偏覺滿人前

蚊

白晝依深室黃昏向短檐牽帷高下集撲面往來兼絺
絡乘虛襲衾稠引類潛細身誰賦汝長喙利如鉅

白蛤

利甚蚊蝨喙微於蟻蠓軀看來渾不見望去更疑無乍
落何從撲旋飛不待驅最噴生質小翻得螫人膚

臭蟲

冰雪藏身後炎威肆虐初不堪滋醜類巨耐困驅除臭
味殊薰草腥聞亂鮑魚百蟲當盛夏非種合先鋤

大雨道上水成渠車行口占

連綿三輔雨泛濫十旬憂爽塏無乾土汚邪有橫流輶
深車反側路滑馬遲畱不信通衢水浮沉可沃舟

送尤孝廉景德之粵東試縣事

正頤堂詩集

卷六

十四

杯酒金臺上雙旌粵海邊帆開江月落馬度嶺雲穿
舶多珠貝羊城足市廛素心渾不染寧畏酌貪泉

送何孝廉愷之南康罷幕

蟬聲咽暮烟匹馬向南天漸指江心寺還登湖口船
軍城開水上客艇過樓前到日尋廬嶽先聽瀑布泉

題署壁

窈窕司禋署中庭花影遲羣僚休暇日人吏放衙時
晝永閒曹覺心空獨坐知推敲綠底事偶忖舊吟詩

寄蔡同封進士用杜牧楊州詩韵

聞在鳴榭署時登騎雀樓鮑昭歸海上杜牧客楊州對
月傳新句聽簫記舊遊橋南沽酒肆曾此典貂裘

其二

城邊驅馬路江上賦詩臺時爲看花出還因踏月來竹
西歌吹窟隋苑綺羅堆獨愛濤聲遠扁舟夜未廻

漫興

行年過五十自謂古愚民時輩誰爲伍孤懷詎有鄰耽
書差免俗止酒不除貧鬚老從渠白由來但率真

苦雨柬徐太史篁岑

正頤堂詩集

卷六

五

不斷迎梅雨幽居似杜門携琴無客到命酒有詩存樹
密添檐溜苔深過砌痕夜來愁絕否欷枕聽翻盆

送李進士方茂宰樂城

祖帳臨周道分符泣大城提封畿輔近報最

廟堂 曙色翻行旆秋光滿去程漳沱河畔路童叟盡
歡迎

其二

美爾初登籍全心止愛民不慚循吏傳猶見讀書人俗
儉能藏富官清豈諱貧還將輿誦語時慰老萊親

十四日步月過徐篁岑寓齋

城南衢巷近乘輿夜相過明日秋方半今宵月已多竟
天開碧落滿地漾銀河不省歸來晚猶聞隔院歌

卽事

朝回欣獨坐開卷掩雙扉薄暮寒鴉度深秋一蝶飛墻
陰過落葉樹色送斜暉不惜今宵醉花黃嬾正肥

期徐郡丞韞谷太史篁岑不至

竹林人不見雲去夕陽斜暮色隨征雁寒聲落陣鴉小
窻琴帙靜委巷麈塵賒酒熟思同飲搖匕望犢車

正頤堂詩集

卷六

十六

初春郊行

偶逢休沐出九陌曉風前古道鏽殘雪孤村入遠天空
郊全見日疏樹半生烟因憶江南路花繁柳正眠

同查蘧槎主客宿東郊道院

並馬東郊外丹坵近可尋蓬蒿三徑遠松檜一堂深酌
酒看棋飲題詩伴宦吟夜來星斗下隔院聽鳴琴

明熙狷莽

校字

熙豫秉宗

正頤堂詩集卷七

新安江權越門著

五言律

驟雨垂楊路遲回馬足間
剩雲過易水殘照出龍山
地重歸三輔圖雄近九關
停鞭時未晚翻令僕夫閒

孟津渡河

古渡孟津縣垂楊一棹通
帆開嵩少日舟轉大梁風
積浪浮高濶流波到遠空
漸知南岸近村慢綠陰中

正頤堂詩集

卷七

次華陰遇郎二州佐曉泉

相逢千里外交好復如君
共度穀陵雨同看華嶽雲
旅懷消宿酒別緒話斜曛
明發官橋路還愁兩地分

次岐山縣

昔日興周地孤城落照西
高岡棲鳳樹流水釣璜溪
桑柘窺門巷雞豚散路蹊
停車還信步不覺暮雲低

周公廟

萬古元公廟長同宇宙垂
卦爻千聖緒官禮百王師
袞繡居東日風雷返國時
至今崇俎豆陟降在西岐

寶雞曉行

信宿陳倉驛還從閣道行
遙看飛鳳穴近出寶雞城
澗水依山曲溪雲到棧平
僕痛猶策馬不敢緩王程

棧道雜詩

閣道踰千里行也見鬱盤浮雲來空澗飛瀑下高寒古
驛青山出孤村綠樹攢徑途紛上下時幸馬蹄安
重巒兼複嶺彌望少平原石腹生雲氣峯頭落水源野
花秋未盡谷鳥暝猶喧日暮停驂處孤村隣夜猿
四圍臨翠壁一徑亂雲間水門東西澗鳥呼前後山裏

正頤堂詩集

卷七

二

糧勞負戴行役困躋攀是處皆天險何須更設關
詰曲千山路今過第幾重廻環臨大壑遠近辨孤松旅
舍圍深竹征衫杖短筇一肩初日上嶺外已高春
因耽臨眺樂峻極我先登夾道叅天柏懸崖絡樹藤深
林聞竄鹿古寺見孤僧已到山高處山高更幾層
杖策將彌月崎嶇一逕遙凌空支複道隔岸構飛橋日
暮人踪急途長馬力驕不因秋序近風雨已蕭匕

雲重常疑雨山深只似秋秦風仍板屋蜀道半崇邱黃
葉峯前寺斜陽岸畔樓一樽聊坐對卽次亦悠匕

依然官道上鎮日少逢人古樹秋聲壯層巒夕照新岸
旁畱虎跡石罅長松身却喜山行好征衣絕點塵
北棧過南棧茲來賦遠遊時時穿窳窳處處聽鈎鞞怒
石喧村碓癡雲擁驛樓偶逢朝雨至行役已披裘
莫畏蠶叢險蠶叢別有天亂峯扶古塔灌莽暗流泉採
葯燒丹客餐芝辟穀仙山居原可羨到處足雲烟

畱侯廟

畱侯昔辟穀此地有遺踪兵法傳黃石仙經受赤松入
秦開漢祚殪楚却畱封太息韓彭輩功成竟不容

正頤堂詩集

卷七

三

舟中望朝天嶺

遠望朝天嶺幾疑上碧霄重關當隴首驛路絡山腰勒
馬巉崖逼扶筇曲磴遙懸知行旅客翻羨坐輕橈

桔柏渡

泛泛嘉陵水停橈向益昌岸身餘古木渡口滿斜陽野
店征徒息秋山驛路長遙聞嘶馬處明發理行裝

次潼川

蜀都三舍路宛轉達嘉陵接壤爲唇齒提封是股肱亂
山圍舊驛古堞入荒藤漸識吾州近青峯數倍增

喜三兄携從孫輩至保寧署

團欒千里外歡笑一家人
伯仲須扶杖兒孫已負薪
京華淹歲月道路閱關津
無限懷鄉意挑燈話四隣

自梓潼至保寧道中卽事

曉渡潼江上山行漸寂寥
荒榛霾亂徑野水逼欹橋
地僻人踪少林深馬跡遙
欲投棲宿處落日間來樵

其二

嶙峋三百里斷續見村墟
高嶺猿猱宅深林鹿豕居
烟生臨驛舍雲起過僧廬
塔影江城近前山夕照初

正頤堂詩集

卷七

四

嘉陵江曉發

三載巴西守歸舟一日東
帆檣春水上城郭曙烟中
塔影懸晴旭波聲入遠風
岸邊人墮淚慚愧比羊公

峽中雜詠

自入瞿唐路舟行境益奇
窄驚三界小高礙兩丸移
水底魚龍偃峯頭虎豹窺
我生輕涉險視此等平夷

灩澦低如馬瞿唐疾似奔
江流穿石罅山色帶波痕
駭浪飛朝鷺空崖叫暮猿
高吟聊自慰篷底對清樽

不盡峨眉雪奔騰下楚關
扁舟千尺水杯酒萬重山亂

石穿波出橫流拍岸還篙師方穩坐神色自安閒
掛帆風正利更見暮雲騰灘急喧如沸山危峭欲崩荒
村餘虎阱斷岸落魚罾遙指巫山近扶筇擬一登
巫峽連巴峽輕帆去不停波聲浮岸白山色接天青斷
嶺風多疾重崖日易暝維舟各相慶對酒一醅酌
三春巫峽水片刻下巴東峰影侵天合波聲到岸空雨
隨神女夢風想大王雄不盡披襟意高唐一望中
萬里孤舟路雙崖鎖一川峽中微見日峯外似無天夾
岍驅崩石千山落瀑泉偶逢樵客在結屋住荒烟

正頤堂詩集

卷七

五

怪石當空立癡雲入壑栖水能分上下風莫辨東西慮
患同孤孽捺心望雨霓今宵何處泊愁絕夜猿啼
鐵削雙崖峙冰融萬頃浮石多饒古色水自乏平流百
丈牽雲入千帆帶雨收忽聞搥鼓急風亂上灘舟
頻年經險巖奇絕數今茲波撼星辰動峰遮日月移四
圍蹲翹魍一氣走蛟螭醞酒黃陵廟歡欣出峽時

江行雜咏

掛席返柴桑川原路正長蠶鳧雲作棧吳楚水爲鄉萬
頃朝烟白千帆落日黃推篷聊騁望葦葦鬱蒼蒼

三峽烟霞盡扁舟滿夕曛南條江漢大九派楚吳分高
浪浮青燼流波到白雲一帆風正好把酒坐微醺
萬里長江路羣知四瀆尊北來天作塹東下海爲門浪
泊青山遠風吹白日昏年時春漲滿夾岸失沙村
乘風方破浪擊汰與偏豪遠岸天無盡空江日易高舟
虛容萬斛帆正敵千篙瞬息村帘杳何因覓濁醪
萬古朝宗水滔匕到此時橫吞百川盡直挾衆山移夕
照生紅樹微風起綠漪不須頻擊楫此去悵歸遲

湖舟雜詠

正頤堂詩集

卷七

六

好風來少女帆轉入澄湖漸訝天如墜還疑岸欲無石
從波底急山在水中孤回望江行處依稀隔荻蘆
春水添新漲蒼茫天地間岍邊行赤日波底出青山帆
影風前度漁歌烟外還湖田堪種處此際盡潺湲
湖西欣浪靜東望更瀾匕浩蕩波千頃蒼茫天四垂艣
聲隨水遠帆影逐雲移風雨期無恙叢祠共賽時
浩渺三千里支流萬派歸氣能吞大壑勢欲撼危磯彭
蠡涵虛晃匡廬落翠微晚來栖泊處蘆月自依匕

過閬灘泊祁門縣

十里閭門路何殊巫峽難岸迴經百折山沓鎖千盤逆浪篙聲急穿林帆影寒舟人方晏坐知已上層灘

其二

短堞斜陽滿綠堤泊小舟雙橋來負郭孤塔湧中流驛路江湖盡歸程黍稻秋鄉山方在望卽次一登樓

夏日過松石方丈

溽暑倦登眺披襟古寺中長廊迴畏日虛殿引雄風高樹垂簷際閒花出薄叢晚涼微雨過更喜一樽同

重九後二日同人集斗山登高

正頤堂詩集

卷七

七

登高過九日萸菊尚依然古堞青山上危亭綠樹巔暮雲生野色夕照帶炊烟不是歸田早何因共醉眠

其二

步屣緣秋草遲迴撫古松新添惟白髮舊在是青峯水色來殘照烟光起暮鐘歸途明月上遠勝夜珠逢

小重陽

今朝秋色好人說小重陽林葉畱殘照籬花却晚霜休官容酒病垂老任詩狂往昔登高處追尋杖履忙

栽菊

移得東籬菊秋光滿院庭遲開偏有色晚發更多馨
月欄頻倚連朝酒未停春芳人盡賞不耐雪霜零

舟行卽事

水落清江上扁舟幾日行穿雲看鳥疾狎浪識鷗輕
野渡緣堤出孤村就樹成到來皆可泊不復計郵程

悠然孤棹上行住任朝昏隔浦青峯寺沿流紅樹村
晚烟生竹舍落日下柴門吹簫隣舟客能來共酒罇

新安三百里取次一帆過江路翠蘋滿山莊紅樹多月
明村店酒風細客船歌野泊憐清夜其如霜露何

正頤堂詩集

卷七

八

隔渚炊烟起村農四五家迎霜收柏葉帶露折茶花束
穗高林出編籬曲岸遮輕舟此栖泊遠樹已歸鴉

懷沈進士疇初

沈曾掌暨陽書院

昔在都門日知從此地居數行憑一雁閱歲得雙魚
我指烟波路君歸風雨廬猶聞茅屋士夜誦隱侯書

平江路舟中

一入平江路舟行事便茶烹陽羨露酒煮惠山泉菱
芡湖陰棹魚蝦海上船掛帆明月下冉度前川

荆溪舟中

溪流平似鏡掩映去帆遙側柁迴漁網眠檣度石橋夜
寒生野岸暮色集村寮忽聽舟人語橫江趵落潮

冬日舟中

侵曉披裘坐三杯卯飲增岸明霜勝雪溪靜水多水草
短沙痕露雲深竹影凝圍舟爭向曝村樹日方昇

再霽同人集松石方丈

古寺松陰滿空堦草色滋開軒遲客話移榻就僧基郭
外生春水樓頭見落曦歸途新雨霽秉燭恰相宜

晚泊街口

正頤堂詩集

卷七

九

曉發漁梁渡停舟日未曛灘聲全帶雨樹色半侵雲村
路緣山別鄉音隔岸分不知行遠近到處伴鷗羣

次淳安縣

小邑官河路荒臺古驛樓倚山成雉堞界水作鴻溝密
樹春圍寺疎燈夜繫舟不知更漏晚漁笛滿滄洲

吳興舟中

幾日西陵渡扁舟向兩溪沙村殘照濶川路晚烟迷月
上漁罾集風欹酒旆低春來湖水長碧浪已侵堤

烟水三吳地清和四月天荻蘆侵岸長菱苻帶波牽桑
葉喧村市楊花趣客船烏程聊繫楫沽酒一流連

孤村臨水驛短纜繫沙堤天濶歸雲慢川平落日低扁
舟欣邂逅杯酒惜分携惆悵征行遠關山越魯齊

自渡黃河北川原入望閒天空渾似水雲遠亦如山野
戍桑陰滿荒村麥隴環倚篷聊極目萬里一帆間
迢遞千鄉路蒼茫萬里天浮雲看鳥沒野水與空連遠

正頤堂詩集

卷七

十

樹明殘照深林出暮烟欲依村落宿來泊綠楊邊
南北殊風土舟行覺地偏繞堤惟綠樹隔岸但青天鵲
噪知村落人歸識市廛一帆秋影裡落日正生烟
渺々平川路扁舟日北征石門當水立葦岫束河行隔
樹窺村舍緣堤宿戍兵紛々漁釣者觸我五湖情

舟晚

微風初起後拂々滿征衫暮色生前浦殘陽在遠帆雲
平看鳥下水淺見魚銜皓首垂綸客鬚齋亦不凡

臥水鳧樂再煙自潞河同舟至揚別余先渡京口歸里

故社分衢巷，征途共一舟。
烟波江路晚，風色海門秋。
去蕢南徐酒，行經北固樓。
里閭先到日，爲我訊交遊。

舟抵赤灘次日登陸
一川秋潦盡，帆影映波心。
日落楓村晚，烟籠竹寺深。
躍魚看潑刺，浴鷺任浮沉。
漸覺溪行遠，登車度碧岑。

自湖口至九江夜行霧中
濛々烟霧合，靜夜泛舟行。
月淡疑無色，江空但有聲。
寺鐘鳴荻岸，漁火映莎坪。
一泊潯陽上，譙樓鼓四更。

抵沙市

正頤堂詩集

卷七

十一

江湖孤艇接吳楚，片帆通寒色。
陽臺雨波聲，巫峽風勞生。
同竄鹿，淡歲類賓鴻。
又向瞿唐路，夔渝一望中。

次順慶懷黃介亭同年

去年浮短櫂，波浪下夔巫。
今年策孤蹇，雨雪到蠶鳧。
舊交稀似摘，故老索于枯。
屈指羣公輩，能如叔度無。

過太和鎮

愛日空山裡，樵風渡口船。
曉裝初夙駕，午飭共停鞭。
官舍無城郭，村居足市廛。
梓州三舍路，已近錦江邊。

宿龔家口

問程剛兩舍計日到三都初月窺寒榻殘燈照舊墟角
聲官戍遠蹄跡客駱孤記得前山路高聳天柱扶風

宿新店

頻年過此地曾宿稻香樓古樹仍連屋寒泉尚滿溝鷄
聲殘月集馬跡曉霜畱去也題橋路寒風拂做裘

駐卧龍關

瓦寺土司地

入自堅叅氏

木坪土司姓

同過瓦寺司連營增竈日各道合

兵時羣醜殲幾盡渠魁會可尸蠻方張幄處旦晚捷書

馳

正頤堂詩集

卷七

十三

次桃關

絕岸臨江澗猿猱不易扳深林扶立幟怪石助當關堅
壁多因壘雄師盡拔山危橋懸索度分道伐諸蠻

文翁石室

蠶叢開國後誰寔啓斯文道路秦人闢詩書漢代聞官
墻畱舊跡絃誦見遺勳慚愧今時守空同俗吏羣

其二

石室千秋在靈光古殿同詩書周孔澤儒雅魯齊風複
壁藏經地虛堂造士官諸生時釋菜莫忘漢時翁

宿南浦書院

南浦重過日微風倚北窓烟深迷曲岸雨急亂澄江倒
影峯千箇涵空鳥一雙漁舟深樹外薄暮見明鈿

題下巖寺用喻捫膝先生原韵

屋向雲根結門臨江岸開全身疑幻出玉宇忽飛來簷
溜懸清瀑塔除長綠苔少陵吟不到倚檻一徘徊

石從星象隕山自巨靈開巖際飛雲出江心返照來尋
松緣翠壁題竹踏蒼苔却怪東坡叟無端到又廻

東坡
在上
禹寺以僧言下岳
險仄遂不往

正頤堂詩集

卷七

三

石室山腰出微行沙面開老猿尋菓至乳燕定巢來纓
絡檐前水旋螺髻上苔我行江路永瞻望首頻廻
佛地終年靜禪門鎮日開色空叅大衆生滅悟如來帆
轉前堤樹船侵曲岸苔片時行已過目送白雲廻

灑潁堆

雲霧生磐石江心勢欲浮形容占象馬窟宅隱蛟虬駭
浪雙崖闢廻瀾一柱収安排憑大造萬古奠洪流

瞿唐峽

地豁雙崖束江深一線流天隨山共盡雲與浪俱浮白

帝千峰夕黃陵
萬里秋荆門遙
在望朝發暮帆收
魚復浦

秦時魚復縣因浦以爲名
落日連巴濮
春流下楚荆
江心蟠舊壘
峽口帶孤城
咫尺夔陵路
扁舟自在行

對巢龍脊潭
雲扶赤日行
雨到蒼穹會有明珠見
驪龍領下同
何年霄漢上來
夔蜀江中鱗甲無全現
滄溟自可通
噓

當年韓少陵
灑西草堂

少陵栖劒外
到處草堂同
錦里栽花叟
夔門種樹翁
徘徊

正頤堂詩集

卷七

古

徊秦嶺月惆悵楚江風
家國無窮憾新詩百首中
當年詩卷在身世嘆飄零
去住雙蘭漿浮沉一草亭
別離思弟妹戰伐想朝廷
曾是高吟地都從亂後經

放舟沿岸去爲問灑東西
白帝城邊路雲安郭外溪
數椽巢燕失三徑野鷗迷
太息詩人宅蓬蒿與目齊

詩人栖息地想見舊風流
古樹深連巷清溪淺繫舟
壯懷思稷契暮節感巢由
爾日滔七是寧知千載憂

貞女詩

吾宗有淑媛婉婉及笄時
待字須吾耦將歸失我儀
髭

髮生未識巾櫛歿相隨片念如冰雪泉臺應早知

姪 琰瑞節
文照文山 校字

正頤堂詩集

卷七

五

文照文山

文照文山

正頤堂詩集卷七

正頤堂詩集卷八

新安江權越門著

七言律

重遊城陽山

許宣平隱居處

重攀曲磴上層巒
仙子宮深暮色寒
松長舊圍畱宿雨
水穿新竇汎晴瀾
巖前鳥語如相識
隴上樵歌尚未殘
不識負薪何處去
一林楓柏似燒丹

落花

繁花開謝識何由
一任東風管去畱
細雨亭前和鳥散
正頤堂詩集

卷八

一

夕陽橋畔帶烟流
相逢仙子當三月
解引漁郎又幾秋
節候乘除原有定
不須相對爲含愁

拂草縈坡萬點紅
高低搖曳滿晴空
乍飛乳燕簾櫳外
又掛蛛絲屋角中
山館孤村寒食雨
扁舟野渡晚潮風
不知減却春多少
幾樹輕陰小院東

柳

殘黃嫩綠恰初勻
堤上春深萬縷生
帶雨忽迷陶令宅
籠烟還失亞夫營
停鞭古道征人淚
搔首高樓少婦情
惟有東風閒不管
年比巷陌任縱橫

野酌

嵐氣初收宿雨殘和風連袂恣遊觀小橋曲檻春流急
古樹長堤暮影寒挈榼就沽村釀酒開樽聊市野蔬盤
多情更有如鈎月爲照歸途上遠巒

溪橋晚步

石版橋平列檻長延緣溪徑傍垂楊烟光黯淡迷芳草
樹色蔥蘢戀夕陽釣艇提壺沽野店牧童橫笛下前岡
亭邊小憇無機事戲水鳧鷗亦共忘

送春

正頤堂詩集 卷八 二
布穀聲喧杜宇譁春光纔遍又天涯兩三點雨生萍葉
廿四番風到楝花芳草池塘迴玉勒綠陰門巷卸香車
小牕不惜今宵醉爲餞東皇酌紫霞

金川奏捷

袞冕臨軒推轂重旌旗就道銳師多登壇年少荀都尉
題柱勲高馬伏波錦郭一鞭馳露布劔門千騎度長歌
斧戕底事畱遺子馬首蠻民盡倒戈

曩情向化仍崩角

廟筭宣恩更解圍奮臂豈堪驅輦過蹊田猶許掣牛歸

鳳皇

詔下諸番泣，貔虎聲傳屬國威。從此八荒均雨露，邊臣穩卧脫征衣。

豐南吳氏八景和祝枝山石刻原韻

祖祠喬木

讓王祠宇奠高岡，古木陰森百尺強。薜剝苔封銷歲月，露濡霜降變烝嘗。後昆競譽韓宣樹，前哲親畱召奭棠。封殖千秋無恙在，孫枝將次薦朝堂。

梅溪草堂

正頤堂詩集

卷八

三

名園小築近幽溇，樹上瓊花發舊林。不受塵埃高士志，飽經霜雪歲寒心。一枝帶月臨書幌，萬片隨風入笛音。遙識衆香深處坐，吟成高韻勝南金。

南山翠屏

鎮日凭欄逸興豪，愛看山色未知勞。陰詩欲和宣城謝，把酒欣逢栗里陶。曉氣乍浮披霧縠，夕陽初下捲雲濤。嚴冬積翠欺霜雪，天與長松百尺高。

東疇綠遶

芑芑阡陌黍苗多，三月春深淑氣和。日影參差舒繡縠，

風光搖曳展輕羅和烟一抹青山暮帶雨千層綠水波
看罷扶犁歸染翰短篇閒譜勸農歌

清溪涵月

憑欄溪閣待傳觴漱灑生輝月滿堂萬頃鎔銀秋字淨
千尋飛練暮天長金波散彩凝朝綺碧浪啣珠吐夜光
何處葳蕤風撲鼻廣寒丹蕊一庭香

西隴藏雲

鬢鬢悠揚出碧岑非烟非霧弄輕陰常將膚寸蘓民望
還放晴空趁雀心用汝作霖功不細遲君出岫意偏深
正頤堂詩集 卷八 四
懸知倚檻閒吟客應有鳴騶谷口尋

竹塢鳳鳴

流泉清泚足低徊萬箇簷簷倚澗栽便欲凌空翫漢去
祇應覽德拂雲來笳傳嶰谷清音合鳴集朝陽翠羽開
占得蒼筤利觀國此君須次侍平臺

山源春漲

清流屈曲遶幽居竟委尋源百舍餘檐溜夜鳴黃嶽雨
谿鱗朝達淞江書飛濤萬疊浮蒼巘跋浪千層暗碧虛
恰值蟄雷新起日化鵬應有北溟魚

題田十千小照

襟懷倜儻氣蕭騷尺幅傳神頰上毫神駿慣憐支遁馬
精瑩常愛呂虔刀風蹄萬里蒲梢汗雪鏢千番鷓鴣膏
知子有情須蹀躞匣中三尺瀉秋濤

題汪秀峯小照

住近西湖別有天閒情信步問淪漣坐來邱壑林和靖
望去雲山郭恕先花片黏殘春樹雨苔痕印遍晚堤烟
風流會得髯蘓句細看空濛戴笠旋

登齊雲巖用羅念菴先輩石刻原韻

正頤堂詩集

卷八

五

仙關靈境恣翔佯詰曲崎嶇意盡忘但覺山中花似雨
不知天外海生桑行人路遶颺颺樹羽士餐分雀鹿糧
聞道生申曾應禱金函玉檢一峰藏前明永陵嘗
祈嗣於此

白嶽黃峰兩擅名此遊先慰廿年情泉聲迸雨空天迥
嵐氣生雲夜景清五老崢嶸鬚髯古三姑飄渺珮環輕
丹砂不必求勾漏穩住應知九轉成五老三姑
皆峰名

同年趙雲亭比部自浙抵徽旋即別去

八月寒潮上短篷一帆遙掛練溪風題門客到呼嵇喜

上塚人歸愧德公

時以釋服謁先大夫墓
而雲亭適至不及迎拜

遶署青山圍

酒盞滿城紅葉落詩筒

雲亭下榻王明府署中并示欵遊近草

相逢記取

徐陵宅夜月沙堤竹翠中

時借遊徐太史亭玉竹園

村烟漠々暮雲寒出祖河梁意不歡帆掛夕陽飛練浦
櫓搖紅樹下巖灘新詩獨繪秋山色舊雨曾分畫省蘭
隔歲跂君江水上短衣驄馬謁

清巒

道過潭濱梅花已爛熳惟綠萼尚存數枝

羅浮花老漸飛揚倚檻徘徊綠水鄉瘦幹橫斜畱傲骨
疎枝冷淡帶餘香巡簷索笑君堪共踏雪尋盟我亦嘗
正頤堂詩集 卷八 六
莫爲遲來添懊惱清癯終足冠羣芳

暮春郊行

路入郊原野望賒東風吹煖遍天涯參差巷陌俱垂柳
遠近樓臺半落花釣艇平橋春水濶酒旗當戶夕陽斜
年光是處堪行樂輸與疎籬曲逕家

題吳農隱小照

野草平堤柳帶勻相逢田父話芳春英雄豈合邱樊老
平治無嫌草莽臣桑柘夕陽看牧圉雞豚春酒散村隣
知君滿抱經綸具小試還推農丈人

臨安

萬家城郭臨安罷宋室偏安此地存南渡衣冠忘北狩
西湖歌舞誤中原寒烟古木迷宮殿衰草斜陽上寢園
剩有嵯山千古恨海門如雪暮潮喧

姑蘓

闔閭城郭遶蘓臺舊恨蒼茫霸業灰浣女酣歌舞散
越軍朝食甲兵來潮聲斷續忠魂泣虎跡荒涼故鬼哀
往日吳宮今蔓草錦帆秋水夕陽頽

建業

正頤堂詩集

卷八

七

百年江左競風流六季繁華一瞬休天塹漫誇南北限
金陵幾易帝王州銅駝宮闕寒原外朱雀人家古渡頭
寂寞鍾山餘舊寢祇畱寒月掛松楸

江都

一曲邗溝滿苑螢錦帆南下不曾停簫聲剛度橋邊月
杯酒旋斟天上星多事瓊花春寂寞無情楊柳晚凋零
迷樓窈窕人難識不道捺戈到禁庭

謁岳王墓

千秋封樹枕湖濱立馬斜陽薦落蘓腸斷宮車終絕漢

眼穿兵甲掃邊塵偏安鳩毒忘中土反間陰謀戮武臣
碧血不消亡國恨烏金空此鑄張秦

蔭園賞牡丹

長筵歌管面芳叢分得繁華自洛中艷色染成三月雨
異香吹落一庭風廳前芍藥寧堪並江畔芙蓉未可同
九十春光誰占斷檀心金蕊曲欄東

次日再賞牡丹

更對芳菲酌紫霞數枝遲出錦帷遮好風甘雨春三月
艷色濃香第一花繡檻頻臨唐相第錦堂重醉魏公家
正頤堂詩集 卷八 八
一從紫萼含葩日看到全開興倍賒

望嶧山

乾坤靈秀毓名賢氣象巍巍衆共瞻萬里極天逾空濶
千尋拔地獨尊嚴松蟠絕頂烟雲遶石繡層巒雨露霑
除却岱宗無可右東封牲玉禮應兼

邗溝

露楊烟草鎖邗溝一派潺湲萬古流玉帛勾吳通上國
錦帆隋帝幸揚州江歸滄海侵雲濕河接長淮拍岸浮
千里安瀾資賈讓蕪城有賦未須憂

重陽積雨

霜林落葉戰江皋一派秋聲送鬱陶宿霧遠籠村岸樹
習風狂挾海門濤斷橋雨潤休雙屐虛閣寒生檢綈袍
十日沈陰佳節過可堪無地一登高

積雨聞河決

獨客蕪城思黯然江空木落晚秋前中旬直接初旬雨
九月渾如五月天河岍暴崩湖暴漲高原成滙下成川
淪胥欲問知何似微禹其魚望共懸

平江夜行

正頤堂詩集

卷八

九

百里平江七尺船一枝柔櫓破秋烟衣如抱鐵霜先覺
水似鎔銀月正圓大吹漁燈穿樹底雁驚風葉落橋邊
天寒襍被渾無寐卧聽隣舟客扣舷

抵家

江南江北又臨安去日方暄來日寒家近轉嗟行役久
囊輕翻省治裝難謀衣欲補貂裘敝索券還欣酒債寬
穉子候門粗識字獨將行篋覓書看

登滕王閣

傑閣凌虛一水環千年遺蹟任登攀雨添彭蠡窓前浪

雲擁匡廬檻外山
舟楫聲過征雁遠
管絃人靜野鷗閒
凭欄鎮日珠簾捲
吟遍斜陽未肯還

舟過九江觀廬山瀑布

愛看飛瀑下蒼冥
蕩漾輕舟泊遠汀
雲裡倒垂千尺白
峰頭界破一痕青
江連風雨春流急
沫吐蛟龍夜氣腥
何日虎溪濤萬斛
開先亭畔坐來聽

江行卽事

風定波澄綠水濱
垂楊枝上正斜曛
江聲斷續歸吳澤
帆影參差入楚雲
萬井浮烟村樹合
一堤明月釣船分
正頤堂詩集 卷八 十
連朝自愛舟行好
穩坐桐槽看簟紋

登黃鶴樓

獨向澄波棹小舟
片帆初落此登樓
水從灑灑傾三峽
山自荆門現一邱
萬戶曉迎雙檻出
兩城春抱一江流
當年跨雀人何處
崔顥題詩又幾秋

登大觀亭

乾坤放眼此躋攀
曲檻危亭翠色環
萬頃波浮三峽水
千峰雲擁九華山
江含斜日啼烏喋
岬遶邨烟落雁灣
莫道旅懷無處遣
一回憑眺一開顏

極目蒼茫一檻收登臨鎮日足勾畱波吞七澤成天塹
地扼三吳踞上游風正孤帆懸一葉雲開隔岸湧千洲
遺碑寢墓畱先哲長對春江萬古流

余忠宣公祠堂和壁間韻

春江水碧暮山青幽國祠堂傍野亭對酒當歌山寺月
援桴驅馬大旗星孤城九載民無恙八口千秋歿有靈
他日興朝重表墓松楸蕭瑟晚風扃

登雨花臺

高臺從昔雨天花此日登臨野望賒萬頃長江圍故國

正頤堂詩集

卷八

十一

六朝芳草入僧家亭邊樹色秋烟冥檻外鐘聲夕照斜
千載興亡原有定不須憑眺爲吁嗟

登北極閣

孱顏高閣逼諸天南國風光一鑑懸十里莫愁湖上雨
萬家桃葉渡頭烟隔江帆落啼烏堞負郭村圍宿鷺田
六代興亡餘故里亂山稠疊夕陽邊

拜方正學先生墓

先生遺墓枕高岡展拜松楸對夕陽九族殉君同景練
一時謀國咎齊黃羞將健腕諛燕邸賸有迴腸泣惠皇

勝代更添江上恨六朝烟雨倍淒涼

登燕子磯

極目空江萬里晴荻蘆蕭瑟晚風輕寒沙古渡金陵驛
落日歸帆鐵甕城絕頂危亭分樹色斷崖懸磴踏波聲
回船鼓楫眞州路南望蒼烟一縷橫

黃州

雲影波光接雉樓綠楊深處是黃州雪堂窈窕東山月
赤嶼蒼茫樊口舟欹枕夢回孤宦唳扣舷歌徹夜烏流
風流太守渾如昨寂寞簫聲又幾秋

正頤堂詩集

卷八

三

登晴川閣

傑閣遙凌鸚鵡洲楚天寥廓望中收夕陽終古來蟠冢
高浪排空下益州遠岸如雲孤鳥沒亂帆疑葉大江秋
凭欄鎮日耽吟眺不爲鄉關起暮愁

登黃雀樓

層樓複檻八窓虛江上登臨攬勝圖秦蜀關河多入楚
荆襄烟水半連吳亂帆斜照城根渡細雨微波郭內湖
欲覓樓頭騎雀客晚風吹蕩下菰蒲

至漢江東旭東弟並示姪雲溪

短棹衝寒指漢濱紅橋樽酒又長征官河水驛二千里
成角漁燈十五程久客爲家鄉夢少逢人如舊旅懷輕
阿咸相伴論詩日應計春帆話遠行

漢江寓邸題壁

偶客晴川又浹辰旅懷一味是逡巡長途笑酬慙僕
邸舍饔飧累舊姻從古騷人多屬楚一時遊子似羈秦
何當早辦橫江楫旦晚乘流出漢濱

登滕王閣

滕王高閣水之涯薄暮登臨繫短槎風定艣聲過別浦

正頤堂詩集

卷八

七

晚涼漁笛下晴沙蒼茫夜雨生秋水宕漾寒湖送落霞
遙望西山青未了多情常伴夕陽斜

錢塘觀潮

年來頻看浙江潮此度逢秋勢更驕去浪遠吞江郭盡
迴瀾飛奪海門遙流空白日光摩盪逐岸青山影動搖
比似蜃樓尤幻化須臾萬怪已全銷

舟泊虎阜

闔閭城外錦帆前窈窕山塘欲暮天客艇屢移垂柳岸
人家多傍種花田點頭石在知何處試劍人徂憶往年

况復霸圖銷歇盡蘓臺遙望但寒烟

渡江

江流萬里下岷峨鐵甕城邊鼓棹過西望潯陽餘晚照
東連瀛海足滄波乘風自識襟懷遠擊楫還聞慷慨多
我亦維舟楊柳岸扣舷明月答漁歌

次淮安

落葉蕭疎漸滿林隨堤孤艇接淮陰沙邊人語帆初卸
河上聲喧日欲沉枚叔宅荒秋水漫韓侯臺古暮烟深
回看城郭西風裡獨立蒼茫思不禁

正頤堂詩集

卷八

古

渡黃河

掛席淮陰及曙風中流擊汰勢偏雄驚濤萬古來銀漢
濁浪三秋上碧空杳靄人烟河上下蒼茫雲樹海西東
此行不羨乘槎使指日觚稜在望中

次東昌

會通河畔一舟輕路入青齊取次行殘碣尚傳巢父墓
斷垣猶指魯連城堤邊落日空林晚郭外秋風野水清
旦夕片帆過潞北觚稜遙望五雲明

夜泊天津

中原極望莽平蕪，渤碣烟雲接上都。
海舶千帆來職貢，漕艘萬斛轉征輸。
九邊秋水生無定，三輔寒潮滙直沽。
正是晚風蕭瑟候，扁舟明月宿菰蘆。

抵都

鬱葱佳氣擁京師

雲日重瞻閱歲時，歸去乞身

丹鳳闕，竭來承乏白雲司，欲隨劍佩趨

三殿先，逐蹄輪踏九達自，顧尚饒筋力，健勉將鶩劣効

鞭箠

正頤堂詩集

卷八

五

元旦早朝

乙亥

啣恩歸養侍庭除

雲陛重瞻十載餘，歲紀正當頒朔日，臣年恰值服官初

衣冠萬國圖，王會閭闔千門拱

帝居拜手賡歌臯禹後，千春常願奉

乘輿

謁楊忠愍公祠堂作

祠在武選司署有像

骨重神寒道貌尊，稜嶷風節儼如存。
隻身遠竄非臣罪，一歲三遷自主恩。
欲報涓埃誅大憝，不辭刀鋸激忠魂。

生平未了憑誰補化窟猶應叩帝闈
展拜庭堦肅禮儀風規想見立朝時封章欲奪南牙魄
姓氏翻縈北闕思浩氣峻嶒生折檻丹心惆悵歿騎箕
春秋享祀傳西省合是吾曹百世師

訪王氏芍葯園不遇和曹震亭明府韵

延緣曲逕漫逡巡爲訪名園一問津黃鳥聲中停客騎
綠楊烟外覓居人東風門巷扃清晝淺水池塘鎖暮春
遙識翻堦正凌亂紛々蛺蝶過西鄰

不道平泉咫尺遙近如相避遠相招春流曲澗圍苔壁

正頤堂詩集

卷八

七

畫閣危亭上柳條回轡馬侵芳草路倚欄人戀夕陽橋
重來記取村郊外滿地榆錢酒幔飄

雪日用東坡書北堂韵

樓頭飛霞影廉纖朔吹生寒陣々嚴漸覺敝裘如鉄石
欲商旨畜到壘鹽翻書乍喜臨朝晃曝背還思向午檐
却笑凍窓無箇事辦書春帖吮毫尖

碎影紛々急暮鴉隨風帶雨滿巾車飛空錯訝三春絮
着樹驚傳頃刻花石炭煨爐欺鈍僕瓦盆盛酒笑田家
何如驢背江南路到處青帘竹外叉

翌日又雪再疊前韻

郊原積霰沒洪纖肅氣噤人似戒嚴蟬眼烹茶宮樣餅
水盤刻獸虎形鹽寒香欲綻迎踈牖凍雀將飛近短檐
日昨小軒來霽色又看烟霧擁峰尖
晴窓準擬學塗鴉忽報衝寒雪沒車若箇披簑浮釣艇
有人策蹇問梅花閉門高卧袁安宅酌酒烹羔党尉家
憂樂隨人關底事莫將吟興讓劉叉

元旦早朝

丙子

畫省承恩歲再期欣逢朔旦拜

正頤堂詩集

卷八

七

形墀鮫人航海來王日

時有高麗琉球諸國陪臣入貢

邊將提兵奏凱

時

西北屢奏捷音

貢使盡霑周宴享降王新見漢威儀

準夷達瓦齊新

降封王京師

玉堦仙仗擊朝旭二月春移闕里祠

立春日雪再用東坡北堂詩韵

斗轉星迴月影纖東風吹雪漏聲嚴家人治具添椒酒
兒女吟詩辨絮鹽尚覺餘寒侵曉袂似遲春色到晴檐
閒情愛和梅花嚼香味徐已到舌尖

斜飛亂舞急歸鴉滕六雲扶太皞車仙莢纔舒堦下葉

寒梅全放嶺頭花春盤生菜宜今日酌酒烹羔定幾家
盈尺豐年看有兆郊原莫辨路三义

元宵後一日錢稼軒閣學邸第會讌同年凡二十

韻 七人

闕下鳴珂取次來清歌妙舞一樽開羣公賭畫黃河壁
似我宜傾藍尾杯四座月留金漏永九衢燈照玉山頽
十年高會重陪日短髻居然冠省臺

洪 寄里門諸同學

兒時里黨共翻匕酒社詩壇到處便門第半居王謝巷

正頤堂詩集

卷八

六

家聲多近杜韋天竭來白髮輪蹄裡酷憶青山杖履邊
把酒臨風一惆悵暗將文讖數當年

書涪州公詩集後

河東三篋早無遺博辨兼能鑄偉詞下第徒聞工射策

免官翻爲解吟詩

以詩觸上官忌遂移疾歸

金臺縞紵名賢刺涪水

鐘彝廉吏祠莫訝錦心多智慧前身原是老禪師

山左有老

僧圓寂扁室戒勿開公過教之宛如昔遊僧名諱與公互易蓋始悟爲前身云事載焦殿撰記中

書侍御瞻城公詩集後

彤庭折檻更牽裾著述多從補牘餘十載離憂屈子賦

一腔痛哭賈生書鳴冤屢訟能經畧勸惡先攻魏掃除
魏璫設內捺
公首發其奸他日賜環應不瞑毒流宗社已成墟
思陵
踐祚
復公職公
已歿矣

書若履公詩集後

抱膝長吟只自娛蕭然亭館隔鳴騶元黃世局壺應缺
清白門庭雖欲無樂事百年詩共酒平交四海釣兼屠
他時夢遶思陵樹頭白遺民淚已枯

書定菴公詩集後

閒情聊復托吟箋盈尺都堪逮後賢委巷雀喧人載酒
正頤堂詩集

卷八

五

征帆日落客呼船半生失得塞翁馬垂老勲名博士毡
小築歸來潛水上手栽松菊尚依然
公殿試進呈第一
復以小誤置甲末

由中書改授學博踰
年移疾歸家于潛溪

書容菴公詩集後

庭前畫諾簿書空博討遐搜興未窮行部桑麻龔渤海
等身著述郭河東瘴江風雨三更酒鮫國星霜七尺篷
贏得歸來雙足健瘦籐扶遍碧雲中

書寤菴公詩集後

悔逐天涯起遯思杜門都是著書時朋交幾輩遭青眼

羣從知名讓白翁骨相不侯空善射世情多忌但圍棋
劍南衣鉢香山派一卷清詞洵可師公老于諸生聲名籍甚

書旬翔伯詩集後

門庭師友漢荀陳磊落嶽嵴太古民畫裡蒼松堪舉似

公得古松繪為圖篋中詩句最愁人荒烟蔓草題殘碣得綠衣烈女墓

為立碑流水斜陽泣舊媼豐溪百感歌叙外家盛衰甚悉老去菟裘誰是

伴斗山叢桂與孤筠末年居斗山書院

書蓮峰伯詩集後

繡衣門巷雀羅間手澤圖書四面環一卷寢興惟白傳

正頤堂詩集

卷八

半生魂夢是黃山公讀書黃山廿餘年焚香小閣看雲立沽酒江

村得月還猶記兒時隨杖履每因題石掃苔斑

書菊庄叔詩集後

牛耳詞壇彼一時畢生情事定誰知秦淮秋雨征衫濕

隋苑春風野艇遲作客最羞彈短鋏不侯安忍棄毛錐

年時歸卧澱江曲柳亞柴門菊滿籬

移寓

移家又住郭西偏退食聊憑屋數椽語燕簾櫳春雨裡

歸鴉庭樹夕陽邊草侵曲巷雙輪緩苔繡閒堦一馬旋

却笑年時頻卜宅，暫來京國已三遷。
茗椀詩瓢綠綺絃，蝸廬位置亦天然。
數間門巷低於市，一榻軒窗小似船。
問字人過還載酒，論詩客至欲分毡。
迂疎漫學相如賦，着意安排僦屋錢。
宋玉賦得滿城風雨近重陽，和徐侶樵韻

滿城風雨近重陽，簾捲輕陰曉袂涼。
詩思每隨楓葉冷，酒杯翻爲菊花忙。
纔收樹栗迎牙嫩，旋摘園橙撲鼻香。
隨分秋光容易得，未須鄉國憶柴桑。

滿城風雨近重陽，且對寒檠泛客觴。
鄉夢白雲紅樹路，正頤堂詩集 卷八 三

舊遊黃菊紫萸庄，吹衣彭澤腰仍折。
落帽叅軍髻已蒼，高會龍沙今不遠。
辦携雙榼一葉囊。

滿城風雨近重陽，衰柳殘烟淡曙光。
若箇酒遺彭澤令，幾人詩賞邵陵王。
空山樹暝鴉聲晚，野浦雲寒雁影忙。
宋玉有懷消不得，吟成商調入篇章。

滿城風雨近重陽，沒靛泥深曲巷長。
檐色斷雲低塞雁，窓聲落葉雜寒螿。
黃花酒釀新收秫，赤棗糕舂舊貯梁。
隨意秋光聊自遣，莫教青髻點微霜。

滿城風雨近重陽，蕭瑟秋聲上草堂。
對酒便應浮太白。

持螯何必定雙黃
采花籬落香盈把
掃葉庭堦綠滿筐
遙憶鄉關紅樹裡
一秋張翰九迴腸
滿城風雨近重陽
霜葉如花鬥衆芳
鱸膾舊諳江上味
菊蕊新試篋中方
東籬酌酒誰堪共
九日題糕我亦嘗
酷愛江南烟水地
心隨賓雁到橫塘
滿城風雨近重陽
底事潞河繫客腸
落木天空孤鶩遠
寒砧聲急夜燈長
故園松菊存三徑
邸舍琴書擁一床
呼買雙螯沽美酒
莫孤佳節倍神傷

正頤堂詩集

卷八

三

滿城風雨近重陽
典邙春衣換鷓鴣
桑柘路遙稀旅雁
兼葭人遠憶求羊
一畦稻熟開香甕
小圃花空剖蜜房
相約趁晴扶杖出
遍探秋色付奚囊

九日劉鑑塘招集同人陶然亭登高

帝城秋色滿高臺
九日登臨一檻開
孤雁影隨關樹盡
寒蟬聲帶夕陽來
聽歌賭畫黃河壁
起舞爭疇藍尾杯
不羨隔離人送酒
坐邀叢菊共徘徊

云是龍山讌會時
公餘佳節兩相宜
繞梁雲散歌初闕
落葉風多酒莫辭
檻外亂山堆夕照
亭邊宿鷺下寒池
秋光宛似江南路
翻令蓴鱸繫客思

漫興

老態侵人不自知，漸成疎拙壯心移。
鬚無可白眉承乏，髮欲全髭髻強支。
棋局懶爭先處着，酒盃翻愛靜中持。
也知萼膾尋常事，却爲秋風起遯思。

雪日書懷仍用東坡北堂韻

薄暮纔看細雨織，霏霏集霰曙更嚴。
司庖語雜籌薪炭，趨市人喧較米鹽。
酒爲賒頻慚易券，裘經典敝怯當檐。
辦書春帖臨窓戶，獵匕寒風拂指尖。

近午纔聞噪曉鴉，當關不報客停車。
寒知緼敝煨爐火，

正頤堂詩集

卷八

三

坐覺宵分燼燭花，策蹇舊諳江上路。
題詩先付酒人家，門前一幅山陰道。
坐對無勞玉畫叉。

堂升也

再姪

昀日勻

校字

正頤堂詩集卷九

新安江 權越門著

七言律

元旦早朝

丁丑

夔龍班末儼相叅

玉陛朝儀萬國諳

聖主臨軒日惟朔小臣稽拜歲逢三雪消

宮闕春先入風動旌旗露半含屈指及旬移

帳殿心隨宿衛向江南

正月八日啓
駕南巡

正頤堂詩集

卷九

悼繼室汪安人

十年荆布伴寒帷百萬營齋更可悲爲我微官耽薄祿
勞卿遠涉破京師六州鑄錯攜家日四壁書空退食時
魂魄有知歸故里松楸先隴覓遺碑

露冷風高燭跋時遺言在耳尚堪思蘋蘩欲覓良家子
蘆絮應憐膝下兒千里相携翻永訣十年同室半分離
傷心南北殊風土斷送梁鴻舊侶隨

夢筆曾傳悼往詞糟糠似爾更堪咨綺羅欲罄來時篋
酒食翻成無米炊苦肉餘生勞輔掖兒童稚齒仗提携

不堪回首牛衣淚贏得于今獨縵縻

比歲冬寒就幕遲神傷骨立詎能支牽衣嗚咽悲兒幼
翹首悽愴念母慈歸櫬爲卿壽上策懸車囑我有遺詞
邀天際下成名早報汝劬勞定可知

秋柳用王新城宗伯原韵和吳涵齋太史

春風春雨已銷魂况復蕭疎傍郭門欲盡尚畱臨水影
將殘微帶着烟痕寒原衰艸鳴蟬路夕照橫塘落鴈村
往日扳條征戍客於今愁緒更難論

萬縷千條一夜霜蕭蕭疎影下寒塘春風勸盡離亭酒

正頤堂詩集

卷九

二

秋雨緘空戍婦箱吹徹短簫悲舊苑響殘羌笛怨賢王
未知南角移來樹尚拂長安第幾坊

陌上秋風吹客衣翩跹舞態是邪非梁園宴罷輕烟散
渭水歌殘細雨飛斷岸濃陰空彷彿旗亭深翠半依稀
不禁扳折偏多恨寄語春回莫暫違

裊裊長條劇可憐秋深無復鎖輕烟啼烏月冷河初沒
落鴈風多雨又綿張緒祇今悲往事王恭誰解憶當年
歸來惟說陶彭澤幾樹蕭疎籬菊邊

冬日入直瀛臺

曉鐘聲徹早霜濃
曙影遙分西苑門
曲檻紅橋溪上路
淡烟疎樹水邊村
鴉飛極浦侵山色
雁落平沙帶雨痕
不道層城深邃處
十洲三島卽崑崙

寓舍南爲大宗伯安州座師邸第賦呈

卜宅由來重卜鄰
於今闕里况相親
觚稜一別家千里
劍珮重遊歲十春
日下宮墻分雨露
天邊門巷隔風塵
賓朋不雜心如水
剝啄惟憑問字人

寓舍道北爲大司馬茶陵座師舊邸賦懷

丹鳳城南紫陌西
昔年門巷屬吾師
春風拂檻論文日
正頤堂詩集

卷九

三

夜雪盈庭問字時
湘浦棹歸巢燕散
衡陽秋老塞鴻遲
懸知絲竹東山日
四海蒼生望所思

元旦早朝

戊寅

承恩真拜尚書郎
四載長依日月光
萬國星躔歸鳳歷

伊犁測量皆
載入憲書

九重春殿集鴛行
來庭貢使東西海
高麗琉球
皆與朝賀奉朔賢

王左右羌哈薩克布魯
特皆奉正朔自有飛龍陳御仗
不教宛馬較

驪黃

時外番
多貢馬

初春招集傅喬年武霖滄諸同人小飲寓齋值雪

辛盤椒酒無兼味小集聊堪對歲華似煖仍寒春尚淺
欲晴還雪日初斜試燈風落千門絮剪綵枝飛萬片花
記否姑蘓賢太守探梅扶醉到山家

傅曾守
蘓州

傳喬年駕部招遊城南王園並過豐臺看芍藥

一鞭初日踏晴珂曲逕長橋傍驛亭烏喚征人頭共白
柳迎詞客眼偏青曾聞雅曲思爭和却對名花耻獨醒
記取春風饒韻事數行車騎綠陰停

開盡繁英到殿春香風面比拂遊人品題不羨姚兼魏
比似爭憐號與秦帘捲夕陽將進酒路縈芳草欲埋輪
正頤堂詩集 卷九 四
歸來數朶分盈握峽蝶隨衣月滿巾

九日偶成

西風颯爽度重陽落葉蕭疎夕照涼開到菊花秋又老
响殘砧杵夜偏長萼鱸自憶鄉關樂松竹還愁舊徑荒
五載浮沉一 郎署倚樓長羨雁南翔

孤懷

孤懷磊落交親少世宙炎涼古道荒癖性揣無諧俗韻
蒼顏慚入少年場重炊不蕤因人竈宴坐先移遠客床
一種迂疎成嗜好酸醎殊衆與誰嘗

送方一齋尹隆平

小試烹鮮未足難却因行邁勸加餐曉風驛路燕山迢
暮雪關河易水寒行部先驅爭負弩國門贈策共彈冠
懸知令尹停車日四野春生臘已殘

百里提封近帝畿政成輦轂最先知千村夜月琴聲裡
萬戶春風花滿時豈有封魚勞驛使合教馴鹿傍檐帷
清如澧水差堪擬嚙齧裕東南遍口碑

哭婦翁許愚谷先生

空抱乾坤不世才無端憂患令人哀獨探珠蕊生讒喙

正頤堂詩集

卷九

五

賂取珊瑚是禍胎

乙卯得解
首被謗

歌扇酒旗增悵惘唾壺彈

缺共徘徊遺賫巨萬成孤注底事還須嘆劫灰

舊姓衣冠聞望尊儀容脩偉儼如存曾登蟾窟逢話詠
應踏鯨波訴帝闈垂老眼枯羸博淚半生腸斷沅湘魂
廣陵散罷人間罕會存生芻奠在門

元旦早朝

己卯

禮春主懋子燾

稽拜

形廷閱五年衣冠萬國

玉堦前陪臣接踵逢朝賀

哈薩克布魯特屢
次入貢令與朝賀

上將飛書

奏凱旋

除夕得兆
將軍捷報

連下番城增置吏

新獲回部庫
車等數十城

廣收

戎索益屯田

伊犁等處
皆置屯田

聖謨萬禩昭絃管朔旦爭陳雅頌篇

春寒

江南二月柳垂絲京國春寒壓酒卮
宮樹影分殘雪出
河流聲帶斷冰移沉雲似墨鴉栖穩
淡月如霜雁度遲
差幸做裘猶未典
伴予策蹇問南枝

紙鳶

翩七意態自輕盈一歲春光任縱橫
垂柳雨多應有恨

正頤堂詩集

卷九

六

落花風起若爲情微雲自借長空便
淡月還分碧落程
未識羽毛渾是假也教翹首俗人驚

送少司馬安溪李公予告歸養

綠槐夾道送行車九列傾心愧不如
重入台垣畱奏簡
一登樞府靜邊書老臣謝事思懷橘

聖主加恩慰倚閭方寸江湖兼魏闕
夢扶雕輦醒籃輿

錦衣卿

命侍萱帷家慶

君恩曠古奇南國白雲千里夢北堂黃髮

九重知此行不爲秋風膾沒齒應同夏日葵料得年時
春酒熟東山絲竹佐含飴

薄暮出西郊宿隱上人禪房

綠楊郊外暮烟勻
冉冉輕車不受塵
夕照山頭懸雨脚
微風溪面皺雲鱗
鐘聲古寺深林裡
帘影村庄淥水濱
禪榻一燈畱客坐
老僧茶話得相親

喜雨

宸衷憂旱禱桑林
六事潛回蒼昊心
三輔九旬愁赤地
一朝千里遍甘霖
未妨晚稼秋仍熟
且喜良田耨已深

正頤堂詩集

卷九

七

簑笠來聽烟雨裡
村村農圃共謳吟

早雁

池荷零落井梧稀
萬里青旻一雁飛
砂磧雲寒過鹵戍
荻蘆風定泊漁磯
影連關塞秋防獵
聲落空閨夜擣衣
楓葉江村菰米熟
紛紛相逐向南歸

畢二省堂同年至都

長河秋漫雁飛遲
天際征帆慰所思
親串共傳行後語
寒暄各誦別來詩
江山烟雨侵行袂
輦轂風沙染敝帷
契濶無何成老醜
相看著意認鬚眉

送友人應京兆試南還

落照西風動客愁，塞鴻凌亂急歸舟。
還家尚似嗟行役，送遠何堪更暮秋。
水驛夜寒欺襪被，山城春煖脫征裘。
故人相識如相問，為語馮唐欲白頭。

元旦早朝

庚辰

夔龍班末捧瑤觴，錫宴

彤廷上日長

元日錫百官宴于太和殿下

歲月

九重符大衍，謳歌四海祝無疆

是秋恭逢五十萬壽

飛黃玉勒來

重譯騰格金錢貢遠方

回部以錢每百為一騰格

猶有諸番鏡吹曲

正頤堂詩集

卷九

八

一時齊奏

御階旁

是日大樂成得奏諸回部鼓吹曲

送同年何永州復官郡守之新任

帳殿陳詩呵宿衛

九重溫詔復原官，軍書旁午吹求密。
邊塞清寧錄用寬

芳草馬嘶梁苑晚，霜林帆重洞庭寒。
他時休沐城南路

愚叟溪山取次看

送許松堂比部給假旋里

澄懷如鑑筆如衡，合向都官隊裡行。
剖決每伸黔首意

平反多懶赭衣情卽今省署爭虛席定識屏風早注各
底事匆忙賦歸去一鞭斜日出王城

出祖青門大道前一樽聊復送行鞭才華未合歸田日

筋力方當強仕年

時四十
初度

尊膾秋風懷往事棠梨春雨

卜新阡

給假歸爲贈
公築佳城

遙知數郡衣冠會還促鳴珂向日

邊

正是春深三月餘高槐垂柳拂行車幾年視艸辭京國

一路看花到舊廬野店鷄聲殘月小孤帆人語好風徐

奚囊得句行將滿歸向西窓取次書

正頤堂詩集

卷九

九

居同邑里仕同官相聚無多欲別難載酒每邀花下飲
携琴常就月中彈田園栗里春將及鮭菜菰蘆秋欲殘
未獲相從事耕釣勞逢驛使問長安

十憶詩

十憶者憶山中讀書處也兒時就傅家塾中弱

而好弄一切景物不繫於懷旣冠偕諸友生選

勝擇地以寄棊硯或溪亭山閣或道院僧廬莫

不得花月之清幽據山川之秀麗春秋風物且

晚烟霞並助咏歌都歸覽眺年來風塵滿目逐

逐蹄輪回憶昔遊流連竟日因各就所寄繫以
一詩名曰十憶云

斗巖築 在郡城斗山之陽

溪上青山上城山城窈窕一窓橫過墻古樹花低亞
迸石蝨根竹倒生曲磴千盤緣荔壁空庭十笏覆松棚
酒酣記得吟詩夜月滿高樓鼓四更

羨飛閣 在東山道院左偏

高閣凌虛啓曙窓四圍山色面澄江斷橋野浦花千疊
夕照寒雲鳥一雙近寺曉鐘吟落月隔簾秋雨聽殘缸

正頤堂詩集

卷九

十

朋儕記得分題日健筆雄詞未肯降

溪上艸堂 在城北五里昉溪上

昉水斜縈北郭門板橋西去有沙村墻因巢鶴容松入
庭爲澆花仗槿樊牛背笛聲吹晚照魚罾燈影落溪痕
宵分記得狂唵劇籬落霜濃犬吠喧

遜敏山房 在城南傍溪山麓賀岩舫別業也

北市南頭卜數椽蓬門斜遶屋東偏賣花聲裡春風度
沽酒旗邊夕照懸近寺迴廊行葑過隣園莎徑鬥茶旋
年時記得諸生聚午夜鳴雞競着鞭

棲雲寺 在城南十里

森々檜柏空山裡轉盡苔陰見寺門斷嶺風帆過客艇
深林烟火出漁村鳥翻夕照穿松徑颺落平蕪窺竹根
記得日長無客到老僧相對理棊檯

西干十寺

在城西練水上

郭門西去石橋橫更向橋西傍岸行半塢春烟藏十寺
一溪秋水繞雙城山扶塔影移亭午風送濤聲誤晚晴
記得呼童收落葉自煎雪竇注新罍 雪竇寺泉名

染香閣

在問政山寶相寺右

正願堂詩集

卷九

十一

行到山腰纔出郭坐當松頂更登樓人家種竹成村落
風俗投瓜作勸酬曲沼雨餘飛瀑注遠峯烟動夕陽浮
倚欄記得微吟日香滿空庭桂蕊秋

挹霞軒

在霞山東岸張子義引別業也

石板橋西屋數椽蓬門莎徑枕江烟春潮拍岸漁人網
落日鳴榔賈客船古渡僧歸鐘後寺荒村人種雨中田
晴窓記得前山近絕頂高一塔懸

果園

在豐溪上吳編脩以鎮別業也

獨有名園慊素心周遭臺榭蔭喬林危亭曲磴花高下

小院迴廊竹淺深
邀月偶移池上酒
敲詩閒觸壁間琴
年時記得春風裡
不盡鳴禽送好音

寄雲樓 在豐溪橋南

豐溪清淺石橋平
橋畔高樓切太清
斷岸垂楊翻白鷺
長堤芳樹語鷓鴣
人過陌上嘶金勒
客坐花間理玉箏
記得倚欄吟晚照
碧空三十六峯晴

和介野園宗伯聚奎堂晚坐元韵

文章燕許

主知深棘院堂開
幾度臨簾外晚花
遲夕照檻邊新月

正頤堂詩集

卷九

三

逗疎林宵分燭
跋風簷冷吏散
庭空禁漏沉
鄭重丹黃
仍未倦別裁
心是愛才心

家永清戎府至自安西給假旋里

都將別况話樽前
荒外馳驅越五年
匹馬慣經戈壁月
窮秋仍隔塞垣烟
天軍萬里供芻粟
降鹵更番給橐餗
兩臂如猿弓五石
如今移疾向林泉

送莊桑南明府重任金壇

移疾頻年未忍休
蒼生牢繫此中憂
城邊信馬栽花路
江上同帆載石舟
戶口盡忘鞭朴痛
井間多稱稻梁謀

遺碑墮淚翻成笑慈母于今卽故侯

輓田文學蘭圃

華屏谷口築幽齋說劍彈碁聚輩儕司馬雄文兼卜筮
東方博辯擅詼諧窮愁未脫諸生籍偃蹇空多國士懷
他日一杯澆宿艸滿山風雨斷碑埋

八日元旦早朝 辛巳

七載元正拜

紫宸又看佳氣一番新珠聯璧合時當午

是歲大史奏元旦午時日

月合璧五星聯珠

斗轉星迴歲首寅千疊旌旗排貢馬兩階簪

正頤堂詩集

卷九

三

笏綴番臣

諸回人附兩翼旁行禮

璇宮上壽同歡忭祝嘏名山及

早春

壽溧陽相國座主八十

八旬元老古今稀天遣長庚佐

紫微捧日心堅依

魏闕回

天語秘隔綸扉調和元氣神偏旺黼黻昇平道不違宮

漏初停

金殿曉獨先卿士立庭輝

猷歲欣逢嶽降辰

九重天語咏生申
兩朝宦髮中書令
卅載丹心社稷臣
省閣半歸門下士
台垣多出屬僚人
獨慚沙礪承陶鑄
也綴班行祝大椿

壽吳紉蘭先生八十

酌酒躋堂及令辰
遙知棨戟集嘉賓
斑爛共擁汾陽笏
纒幣重過伏勝輪
繫嶽雲深遲採葯
豐溪水暖待垂綸
吟詩記取祁公句
雪髯霜髯滿座春

隨時樂雪鬢
霜髯滿座春

杜祁公衍年八十
賦詩云花朝月夕

正頤堂詩集

卷九

古

璧合珠聯象緯明

是歲元旦太史奏
五星聯珠云々

寰中人瑞應長庚

登臨不用扶鳩杖
談笑猶能酌兕觥
種樹已看松合抱

養雛時見雀飛鳴
中朝相國同庚甲

溧陽相國
同月日生

共際明

時拜老更

聚奎堂卽事仍用秋闈和介宗伯元韻

虛堂晝靜鎖闈深
秋去春來一再臨
煖浪漸看生曲沼
繁花應已滿瓊林
疎簾乍捲和風曉
短燭頻燒夜月沉
珍重別裁窮旦晚
恐辜鐵硯十年心

送友人南旋

潞河官驛柳毵毵，放艇乘流帆正酣。客况頻年栖輦下，歸心隨爾到江南。春風野水飛花閣，秋雨空山落葉庵。往昔舊遊無恙在，琴樽昕夕接清談。

雨阻入仙庄宿田家

入大將
水風驚雨
雲深

數株垂柳覆苔墻，茅屋傾欹水一方。斷岸潭泥愁馬滑，孤村荒遠怯衣涼。人歌河上公無渡，客宿田家夜未央。忽聽隔籬呼僕語，鷄鳴冒雨促行裝。

古北口

百年中外盡銷兵，到處關河策馬行。塞外不勞懸漢堠，

正頤堂詩集

卷九

五

山頭猶見絡秦城，路過黍谷千盤遠。水滙灤陽萬派繁，誰向承平誇設險。天然地脉拱神京。

行次

熱河

九

五

旌旗鼓角擁行營，策馬良途第五程。幾處松陰深似帳，四圍山色翠於城。河流入塞歸滄海，水通灤河
入大海雲氣浮

關接上京中外祇今無界劃，莫將星漢擬茲行。

行闕宮堯北阜陽，千峰萬壑儼相將。山河已出重關外，

版籍仍歸

帝座旁千里遼城供獮狩

木蘭皆遼人故城

一時回部奉冠裳

同人徙居熱河者皆易冠服迎駕竟上

不緣扈從過邊塞眼界何由識八

荒

先大夫百歲生忌日作

風木悲深日月除終天抱憾十年餘
兒時常憶扶鳩杖
壯歲空懷舁筍輿
已痛旨甘生盡缺
那堪雞黍歿猶虛
一官遠繫兼行役
慚愧松楸倚墓廬

登廣仁嶺憇道院中

羣峯合沓水微茫
曲逕峻嶒到上方
細雨馬嘶臨古道

正頤堂詩集

卷九

七

微風鳥語出迴廊
幾行苔繡侵殘碣
一片松陰覆講堂
心遠地偏關塞外
丹臺寧復識滄桑

宮九日

一歲秋光逆旅間
欣逢佳節且開顏
辭家就道三程外
滯雨初晴十日還
把酒自懷籬畔菊
題糕如見意中山
病餘強起登臨懶
閉戶從教雙展閒

小住麤螺一室間
野蔬村釀伴蒼顏
蕭騷落葉蛩無語

雜沓頽雲雁自還
黃菊紫萸囊裡句
翠藤紅樹夢中山

秋風慣作思歸引
鱸膾蓴羹却等閒

塞北江南萬里間，且教杯酒上酡顏。寒烟古堞秦何在，
明月荒邱漢以還。落葉繽紛霜後樹，暮雲稠疊雨餘山。
數間茅屋軒窗敞，隱几聊容半日閒。
榻來卽次一枝閒，暫免風塵上客顏。曾憶詩人吹帽去，
便教高士折腰還。觚稜夢識朝回路，鞭蹬心隨馬首山。
至竟徘徊兼兩地，旅人那得寸心閒。

遣懷

潮河西岸老農家，葦箔柴扉坐日斜。市上覓書惟野乘，
街頭賣菊盡山花。花似菊而無香短籬夜吹驚寒犬，古樹晨喧

正頤堂詩集

卷九

七

門亂鴉遙想射鵬風，勁虓彎弧盤馬輿。偏賒

病起先求服食方，無多品味却堪嘗。烹鮮乍得灤河鯽，
行炙初分察罕羊。客舍不嫌秋日短，將歸那怨客途長。
短衣驄馬衝寒去，踏盡關河欲曙霜。

邸中卽事

蕭蕭木葉下斜暉，九月寒生透客衣。馬嚙敗槽嘶委巷，
犬驚殘柝吠柴扉。青山欲暮人俱遠，白露初零雁又飛。
一事關情千里外，菊花時節蟹螯肥。

兩弓隙地傍松蘿，颯颯西風耳畔過。撲面凍蠅看漸少，

打窓殘葉聽還多，徂秋已覺寒如此。歸路應需日幾何，
聞說夜深霜雪早。踟躕遙望魯陽戈，
蕭瑟秋聲閱曉昏。又添寒色到山村，風迎坐突炊難着。
霜壓床衾絮不溫，黃葉漸多僧掃逕。青帘初捲客呼門，
懸知複嶺重巒外，夜雪應能滅燒痕。

苦雨

千里邊城一月羈，秋深強半雨迷離。編茅未補床頭漏，
掃葉難供午後炊。市斛欲空求糴急，客囊將盡贖衣遲。
幾回搔首寒雲下，又怕歸鞍是雪時。

正頤堂詩集

卷九

七

至波羅河屯宿僧舍

馬首深林落葉飛，迨七百里暮烟微。住山僧老逢迎少，
出塞村荒旅館稀。客夢暫分禪榻月，孤斟聊借佛燈輝。
榻來信宿嗟行役，擬向家園覓息機。

欲雪

漠七雲同雪欲飛，小窓慵起曙光微。祇緣鄉夢沉吟久，
除却輿臺問訊稀。驛騎偶嘶官道出，村鴉時噪寺門歸。
明朝杖策山前路，應有瓊花點客衣。

曉起大雪

怪得宵來特地寒，茅檐低亞雪漫。飛空雨剪花千片，
落砌風粘絮一團。莫認板橋尋孟六，聊憑僧榻卧袁安。
一鞭霽色明朝路，羣玉峯多馬首看。

曉行奉和劉大司馬韵

行營鼓角夜深明，拔隊前驅共早征。燈火漸沿官道出，
馬蹄先誤曙鷄鳴。寒侵曉袂知霜重，秋滿空山覺霧輕。
極目前村深樹裡，炊烟遙見一痕生。

挽徐侶樵比部

白首都門意興闌，早歸彭蠡息征鞍。爲郎尚欲全初服，
正頤堂詩集 卷九 五

出守何能事上官，卅載牢騷三雅酒。幾年耽樂五湖竿，
遙知墓艸青。七日孺子亭空月並寒。

元旦早朝 壬午

承乏曹郎品秩新，去夏遷職方副郎欣隨簪組謁。

楓宸一年稽拜逢，元日八載趨蹌屬。近臣候尉道通邊。

微靜旌旗路擁海，疆春是春駕幸江浙徂秋省識迎。

鑾樂去秋隨圍木蘭江表還應倍遠民。

春寒

天涯芳艸尚迢迢，料峭風多花信遙。入夜斷冰仍欲合。

經冬殘雪未全消，關情漫擬驅寒蹇。失策輕教典敝貂，且向隔鄰沽濁酒。一樽相對伴清宵。

賦得無可奈何花落去

次兒熹殤日作

庭花一夕委蒿蓬，竟日徘徊小院中。無限傷心當落照，幾回搔首向東風。蝶飛似欲尋殘夢，燕語如將問舊叢。喚盡奈何無計畫，春歸奚事忒怱怱。

送郁章姪南旋

客中樽酒聽驪歌，無計羈維可奈何。殘月照人雙堠遠，涼風撲面五更多。貂裘雨雪經年做驛路，關河取次過。正頤堂詩集

卷九

二

聞說高堂仍健，卽莫教書劍戀烟蘿。

悼張星齋下第歸里病歿

蕭々琴劍返天涯，秋滿關河夕照斜。寥落襟懷偏中酒，淒其况味更聞笳。兩年羈客成仙客，幾日還家卽棄家。風雨他時澆墓艸，殘碑欹卧亂雲遮。

輓許曙峯上舍

斫地呼天意氣橫，窮愁羈縶過平生。家從涿鹿嗟長別，人向盧龍悵遠征。白髮蹉跎空有淚，青衫零落若爲情。更憐此日中郎女，風雨孤墳負土成。

寄吳涵齋太史

不見延陵幾度春，遙聞踪跡滯江濱。
郢中白雪差同調，吳下青山自結鄰。
散盡橐金羞按劍，浣將征袖學垂綸。
數行千里雙魚遠，莫諱郵傳到薦紳。

與葉武庫辛麓夜話

年來踪跡太迂踈，衆裡周旋百不如。
假許狂慵應上考，定須捷給不中書。
虺隤逐影應無及，整翮翀霄會有餘。
澆罷酒杯深夜語，滿天涼月一窓虛。

寄雲溪姪

正頤堂詩集

卷九

三

鯉魚風起練江秋，同棹扁舟賦遠遊。
我望觚稜過易水，汝從几杖客邗溝。
全家人習他鄉語，晚歲心懷故國謀。
咫尺雲門隔衣帶，可能先買看山樓。

諸將

腰懸玉具手凋弓，忽詫先鳴豹尾中。
用力未堪齊搏兎，論心差可擬當熊。
藥囊不敵干將銳，短筑空嗟七首窮。
合是番臣應列爵，故教小醜見膚功。

無題

跼躄空慚天地寬，人情翻覆似波瀾。
始知貫虱堪教射，

莫漫承蜩學累丸味別酸醜人異好局殊黑白我齊觀
憑誰共醉金臺側極目西風落照寒

苦雨示家人

長安卑濕近堪愁霖雨兼旬苦未休窪坳然煤如煉汞
空庭積水似沉舟墻崩亂石侵欹案礎潤餘蒸染敝裘
一事關心更惆悵河渠千里奪農疇

宿西郊僧院夜大風雨

綠楊堤畔檜籬根人趨斜曛到寺門畫角數聲吹古戍
疎燈幾點照孤村低空忽訝星河沒昧爽還疑天地昏
正頤堂詩集 卷九

三

送沈武選隨圍木蘭

塞外林巒也自多一鞭秋色我曾過山連百雉秦人石
水落孤槎漢使河吹角月殘驅牧馬彎弧風勁蹴明駝
儒臣橐筆趨行幄一續車攻吉日歌

滾七風烟大漠秋長纓短褐扈

宸遊番臣萬帳供盧矢天策三軍簇綵旂馬趁平蕪交
騁轡鷹憐空澗慢隨鞞也知射雉非君慣端爲遺書藉

隱侯

送同年楊農部謙山移疾歸吳門

片帆南下塞鴻飛遙望丹楓江路微
愛酒步兵翻謝病思鱸張翰竟言歸
秋風藥物隨行橐春雨琴樽伴掩扉
一事羨君都管領五湖烟月滿漁磯

不寢

不寢遙聽鼓角催百端較計五更來
若逢飲酒心判醉除却吟詩口慢開
守拙踟躕甘下策爭先端的讓雄才
山川是處堪憑眺麋鹿鳧鷗莫浪猜

得沈進士疇初暨陽講院書却寄

正頤堂詩集

卷九

三

徂秋此際送征鞍對策南歸未拜官
愧我門墻原冷落憐君家世亦單寒
祇今舊物青毡在自昔生涯鉄硯剗
爲藉江帆過講席報余郎署幸粗安

言懷

捷足高材衆所同獨將迂拙對羣公
去從早決辭詹尹得失無憑信塞翁
但有嘯歌來座上更無牢落到胸中
唾壺敲缺成奚補漫語王郎意態雄

慷慨悲歌意氣增由來燕趙俗相仍
須知白髮閒曹慣不信青雲炙手能
面少逢迎渾似鉄心無磊塊自如氷

一編退食虛堂靜簡校詩人取次登

櫛髮

郎曹休沐及今朝如此頭顱白髮饒豈畏後生欺種
自憐老大益蕭々壯心不共垂髫改往事都如搃角遙
碌々別無搔首處獨慚簪紱點羣僚
十年郎署澹無憂不信馮唐易白頭怒欲冲冠差慷慨
醉能濡墨亦風流商山遯跡高人侶稷下雄談辯士儔
多少老成謀國者獨將華髮負前脩

正頤堂詩集

卷九

三

道坤星堂
再姪

元贊衛篁

校字

正頤堂詩集卷十

新安江 權越門著

七言律

送劉二武庫出守南康

秋風滿馬擁雙旌共指溇陽江
畔城到郭綠波彭蠡雨
遶樓蒼靄玉京山晴
甲兵久識胸中貯
弩矢爭看境上
迎遙想舉帷行部日夕陽飛瀑石梁橫

送曹二武選出守潯江

一麾出守向滇西
萬里秋高送馬蹄
地迥已踰回雁路

正頤堂詩集

卷十

一

天空遙接跼鳶溪
蠻民治瘴羅魚尾
康郎魚
可已瘴爨戶分香

網麝膺行部
即今風雨節不勞
占樹問烝黎

黃甥至都感賦

憐尔耕鋤戀碧巒
何因繭足到長安
關河不比無家別
霜雪應嗟行路難
千里江南無宿飽
三冬薊北有餘寒
囊空長物那堪贈
慚愧馮唐老一官

送陳檢討福齋省覲歸蜀

待漏宏文歲再更
趨庭給假算歸程
為遲巫峽江帆路
特向襄斜閣道行
征馬欲疲貪鳥疾
故鄉將近喜猿鳴

板輿就養如相許期汝秋風入帝京

元旦早朝 癸未

十日春光滿帝畿 年前廿二日立春 欣逢令節拜

形墀簪毫郎署剛三考奉璧元正越九期譯使纏頭沿

國俗

新附回部以雜繒纏頭

番臣稽首習朝儀

各回部使臣班在三品末一體朝賀

屬裘種匕堪圖畫王會何須外四夷

齋宿公署見堂右舊碑有鄉先輩汪南溟司馬族

祖瑞陽中丞題名

齋居郎署靜無爲曉起摩挲辨舊碑一代題名畱姓字

正頤堂詩集

卷十

二

千秋遺蹟緬芳規中丞大節封章重司馬殊勲竹帛垂

小子幸生邦族後可能承乏一攀追

輓座主溧陽相國

行年八十位三公朝野羣瞻威望隆兩省綵綸兼太傅

百揆機務領司空常承密語歸門下時拜新恩出殿中

今日乘雲何處所朅來依舊返高崧

其二

廿年燮理佐昇平

帝眷從來冠列卿許坐筓輿過闕下賜扶鳩杖出承明

牲牢已享祠官祀竹帛還書太史名
斧辰撤朝黎庶泣千秋青史識哀榮

寄輓吳紉蘭先生

欲奠生芻愧後期
天南遙望不勝思
隱居艸澤商山皓
辱在泥塗絳縣師
儉歲盡諳輸粟日
故交多憶贈舟時
懸知里巷停春後
到處聽歌薤露辭
玉樹庭階駟馬門
貽謀垂裕在諸昆
廉儲萬石耕兼仕
絃誦盈堂子有孫
共擁藍輿過綺陌
爭扶鳩杖問花村
他時里第重經日
通德名題萬古存

正頤堂詩集

卷十

三

猶憶登堂閱十春
通家情話倍相親
管華共學成昆弟

咸藉同遊屬主賓

諸嗣君皆同師草亭夫子
猶子及交孫又從余遊

久識生申

齊柱國

公與溧陽師相
同年月日生

更期週甲待蒲輪
少微忽隕中

台折南北同悲薦
藻蘋

公計至相國亦卒南
北相去半月餘耳

兄松六十

別離不覺十年徂
聞說年來勝事俱
繡襖初成孫就抱
籃輿時出子能扶
橋邊芳草看花路
江上垂楊飲酒墟
老去寂宜行樂地
慚予京國尚馳驅

移寓

門庭交蔭綠陰中
咫尺移居巷陌同
不假輪蹄辭故絳
更令雞犬識新豐
更諸爽塏鄰先卜
避却塵囂市亦通
下直夕陽無箇事
辦携酒醖與詩筒

其二

囊橐無多易取携
祇分巷陌一東西
檐邊雨露從松長
屋畔園林任鳥栖
兒課小窓羅几硯
婦當中饋署盞藜
旅居况味嘗應熟
時爲家山憶杖藜

自京至

熱河途中雜咏

正頤堂詩集

卷十

四

雨餘天氣點塵無
策馬空郊霽色俱
村樹夕陽鳴蛩蟪
野渠秋水泛菰蒲
人家放犢眠沙艸
籬落栖鷄上社榆
却羨老農無箇事
柴門相對剖瓜壺

傍岸穿林一逕斜
稀疎村落兩三家
有時茅屋聞沽酒
到處桑陰喚賣瓜
山入遠天青未了
樹臨官道綠全遮
萋々艸色平疇外
鹿眼參差見蓼花

昨朝遙望見前山
今日烟雲馬足間
合沓乍窺人出沒
登扳自覺路廻環
鷄聲半嶺藏荒店
鳥道千盤接故關
却喜山田禾黍熟
不因鄒衍律吹還

六幕蒼生盡我民長途風物亦堪親
春山燒後來耕鍾秋水平時集釣緡
人立夕陽呼牧犢犬依村徑吠徂輪
未須更築秦城石萬里今無塞馬塵

延袤翼北控遼東不盡山河一望中
千里衍迤三輔遠萬層叢築九關雄

清鑿避暑開行幄爽氣先秋到上宮
此去帝京剛十舍熙攘民俗與相同

山川云是舊遼城此日輿圖屬上京
千里關河成孔道萬方朝貢赴

正頤堂詩集

卷十

五

行營衣冠雜選來番部旌旆飛揚扈
禁兵吉日車攻傳盛典小臣稽首願
重賡

送何孝廉兼寄南康守劉鑑塘

傲貂羸馬逐輕塵千里遙尋舊主賓
下榻陳蕃方愛客登樓王粲更依人
城邊彭蠡烟波澗檻外匡廬面目真
取拾湖山歸倡和寄將京國慰蹄輪

送魏駕部出守思南

五載含香御宿傍一麾出守蒞巖疆
欵關早已通南越擁傳何妨過夜郎
亭午放衙空案牘當秋行部足農桑

他年報政承恩召又奉潘輿入帝鄉

懷同年鄭應山

我昔居憂君在楚君今歸老我畱燕關河濶別踰千里
風雨殊方閱十年白酒黃花供隱吏茅鞋竹杖屬行仙
懸知爾日鄉山路遍探雲烟結靜緣

除日言懷

不信單車踏九衢幾秋郎署白髭鬚人方愛少年將老
世盡趨炎性獨迂黑白判輸先着巧酸醎難免俗情殊
却緣淡泊門庭靜閒看奚僮換舊符

正頤堂詩集

卷十

元旦早朝

甲申

金闕鐘鳴玉仗齊獨先鵷序肅朝儀已慚名黜曹郎籍
更忝身兼禮樂司去夏遷祠部郎中兼樂部署正階陞雲深圍劔佩管
絃風細簇旌旗小臣十度逢元會歲獻昇平首祚詩

同年徐二太史服闋至都賦贈

揖別青門在眼前而今再見各蒼然襟懷未肯隨流輩
筋力何妨異少年風雨關山存傲骨烟霞亭館倚吟肩
知君鼓瑟成聲日篋底新詩合滿編

省却携家跋涉難者番穩計住長安此間况味嘗應熟

爾日情懷覺更寬封樹三秋思表墓科名廿載合移官
簪毫下直歸來晚時話鄉關到夜闌

夏日郊行

郭外槐陰綠半遮午涼天氣踏晴沙城高忽送風頭雨
山遠猶懸日脚霞渺々池塘浮藕葉深々巷陌見榴花
一鞭遙指橋西路白屋青帘逐岸斜

同日得蔡進士封周孝廉永保書時蔡遊廣陵周

在梁溪

久虛消息費猜量午喜雙魚到帝鄉作賦客遊僧孺幕

正頤堂詩集

卷十

七

讀書人在李紳堂山河悵望俱千里風雨關情各一方
珍重加餐爲我祝應知髮白似馮唐

得周進士城書時自蜀歸主登州書院講席

一紙郵從不夜城自言曾向錦官行猿聲不斷蠶叢雨
蜃氣初收海岱晴入蜀人歸詩格健遊梁宴罷賦才清
搗來住近蓬萊閣時爲廬陵憶上京

寄周孝廉用李紳題惠山寺書堂詩韵

家隣短李題詩處對水看山逸興多峻嶺千盤孤策上
澄湖萬頃一帆過未妨盡室依桑梓不合中年戀薜蘿

期爾扁舟江上客潞河水泮泛春波

退直偶書

淡泊無營守一官放衙行坐自盤桓與來不仗扶筇健
老至從教束帶寬一味耽吟餘事懶百方止酒立時難
開軒掃榻遲明月恐有人過話夜闌

同年徐二太史篁岑用前韵題跋集賦此奉酌

休論王後與盧前島瘦郊寒共粲然早卜流傳嗶後進
敢希畫壁唱韶年欄前遣興頻叉手柱下閒吟更倚肩
似恐覆瓿嫌未足又將塗抹作新編

正頤堂詩集

卷十

八

非關才盡是才難煞費推敲字未安最苦莫如詩思澁
稍閒猶賴酒杯寬已知學士真仙客更羨騷人作屬官
却枉瑤華似湘瑟教吟清韵到更闌

再疊前韵酬徐篁岑

廿載聲名金馬前于今才調更翩然剩將詞賦稱先輩
博得頭銜似往年不羨封侯夸燕頤豈求作相愛鳶肩
升沉慮淡渾無繫月榭風廊手一編

無多志願不爲難下直閒吟意便安好句耐尋詩思遠
豪情猶在酒腸寬十年不調同閒掾七尺能伸是美官

珍重西窓供著述曉鐘聲動漏聲闌

苦雨柬徐篁岑

日七愁霖喚奈何空齋蕭瑟少人過一池水滿蜩蛙集
繞砌苔生蟋蟀多常爲不眠添酒債轉因無事着詩魔
遙知此際徐元直病已還應一放歌

柬吳淡人侍御檢校拙集仍用前贈徐篁岑詩韵

到處深慚糠粃前頭顛如此髮皤然壯懷已改餘閒日
結習難忘似稚年展卷摩挲開纈眼尋詩徙倚聳寒肩
主臣欲借封章筆點竄新排篋底編

正頤堂詩集

卷十

九

除却閒吟事更難悠悠七十載戀長安自慚舌在蚕絲盡
倍羨懷空繡段寬鍛鍊性靈成哲匠蒐羅耳目盡能官
肯將鐵面捺評品莫怨疎慵興欲闌

疊前韵再柬吳淡人侍御

漫緝蕪詞大雅前臣狂誰似一軒然青毡已做那言學
白髮頻添豈諱年都下故人看接踵里中才士盡齊肩
左臺體格尤稱傑珠貝還應滿綈編

論詩欲到古人難意向先須問所安解引心神千載上
頓令眼界一時寬石渠東觀成家學烏府南床是世官

檢校殘篇求少間夜長遮莫酒初闌

送黃中翰宦谿給假省覲

相送青門落葉飛西風蕭瑟拂征衣倚廬望久歸良得
戀

闕情深願暫違一路江楓秋水漫到家籬菊曉霜肥交
親若問平生事除却吟詩昨盡非

同客金臺十度秋秋來還復送行輶慚余祖帳惟杯酒
念子歸裝只敝裘他日分符看色喜祇今贈策動離憂
年時未踏鄉山路好寫雲烟慰遠遊

正頤堂詩集

卷十

十

吳淡人侍御三疊原韵枉贈復此奉酬

未須輕後與軒前杼軸予懷自浩然智慧前身疑老宿
工夫此日是長年論心吳質誰同調屈指徐陵合比肩
謂篁岑太史我本無才且盡春花獎借愧殘編

渾成體格最爲難滿幅瓊瑤字比安練賦年華慚我邁
論詩境地讓君寬鴻才早領神仙籍介節宜居清要官
珍重來章時諷誦晚香盈砌未秋闌

柬曹竹虛太史檢校拙集仍用贈徐篁岑詩韵

憶昔知君廿載前才華摠角已翹然終童博辯過耆宿

韓老科名自早年共羨鳳毛爭望項漫推馬齒效隨肩
此間僉父余真是覆醬詞成倩纂編

性癖耽吟不憚難再三塗改字粗安拆將韞線千條短
繡向弓衣尺幅寬自愧清狂同漫叟倍夸風雅領仙官
瀛洲少間從余請檢勘毋辭到夜闌

十五日同集蘭心軒待月

一年月數此宵明底事浮雲簇
生徙倚似遲嘉客至
徘徊如乞舊遊盟休夸刻燭詩先就且令停杯酒慢傾
待得好風吹碧落高
看取玉輪晴

正頤堂詩集

卷十

七

十六日雨霽見月東徐篁城梅櫺昆季仍用前韵
柝聲三擊小窓明烟雨全收皓魄生故遣遲回如遠客
却教宛轉似尋盟九衢人散笙歌闋五夜星稀河漢傾
料得酒闌猶未寢攬衣翹首望新晴

十七日待月仍用前韵

共說秋中分外明秋中翻苦暈痕生連宵坐待人無寐
隔歲相期語可盟詩不求工渾漫與酒須適興愛頻傾
天公若遣長無恨但到圓時日
晴

送徐悔櫺宰石城

樽酒青門一暫攀
虔州西去近梅關
烟籠竹驛多臨水
雲繞莎城半在山
崔嵬不曾離砌下
琴聲時自出花間
訟亭無事入常理
共說官清吏役閒

此去行春恰及時
到官似共艷陽期
月明九派寒潮下
花映全城旭影遲
治事才優如善奕
療民心熱勝良醫
未須遠聽輿人頌
抱負如君我夙知

悔櫛善奕並精于醫

送徐韞谷佐郡台州

選人需次徧長安
君到長安便得官
山海週遭都管領
風烟萬壑任盤桓
詩人巷在斜陽滿
仙客宮深暮雨寒

正頤堂詩集

卷十

十一

此去褰帷行部日
定多佳咏與傳觀

東南形勝此爲佳
况隔鄉園路不賒
五夜郡樓滄海日
四時官舍赤城霞
寒山拾得爲方外
阮肇劉晨是故家
遙識玉霄峯下過
春風開滿碧桃花

吳峯越水一帆間
到處風光足解顏
廉吏不嫌知僻郡
詩人應合管仙山
千畦雨過寒潮退
萬壑烟生海澨環
果否吾家前太守
一渠流水尚潺湲

族叔詡菴觀察曾守此郡穿渠瀉鹵

僻處疑多桀傲民
豈知風物轉堪親
酒移月夕和燈夕
花滿江濱與海濱
法不欲寬緣創治
恩宜下逮念長貧

他年報最來廷召廳事晨開三瑞頻

台俗以十四爲元宵十六爲中秋

答友人

故人問我長安好底事還須乞外州敢謂三公由太守
却思一郡抵諸侯披圖井舍盈青甸行部桑麻滿綠疇
從此與民應較近常懷後樂與先憂

曹竹虛太史題跋拙集疊韵奉酬

日下才名競欲前讓君頭地豈徒然探書不止存三篋
練賦何勞閱十年早歲聲華人共齒明時風雅獨能肩
囊中欬吐多珠玉翻辱形容到稗編

來詩有鏘然玉綴與珠編之句

正頤堂詩集

卷十

三

新詩脫手不知難一石分才勝建安化腐爲奇思獨遠
因回得味境彌寬千秋並貯神明舍萬象都歸耳目官
忽枉瑤華來几席幾番吟徹曙鐘闌

送賈孝廉廷彥之蜀試邑宰用送陳檢討歸覲韵

一樽別酒話燈明遙數征衣兩月程人去秦關和雪度
馬登蜀道傍雲行三更月白鷓猶泣四壁山青猿亂鳴
耐得清貧成政理他年殿最有誰京

東金蔣庭太史檢校拙集仍用與徐篁岑太史詩

韵

不到天家高閣前
夜窓那見杖藜然
鑄金事佛還須日
學蠹求仙已曠年
一尺書能供醉眼
數椽屋豈礙哦肩
斲將橐向甘泉筆
爲校鳴秋蟋蟀編
詞壇赤幟最爲難
盧駱知名遜子安
人避鋒銛三舍遠
我懷襟度八荒寬
馬周早預朝堂策
李白終爲供奉官
清廟生民塗改遍
自吟高詠漏聲闌

金蔣庭太史題跋拙集疊韵奉酬

莫問花前與月前
彈碁說劍盡悠然
有時展卷憑銷日
到處題詩當記年
雅慕風流欣把臂
獨慚弁鄙漫齊肩
正頤堂詩集

卷十

十四

篇中得失資針石
刪定無妨一再編
信手揮毫未覺難
推求終欠寸心安
案頭懶祭供辭費
筆下蚕聲趣韵寬
豈假浮名思問世
漫言得意欲嫌官
邀君枉贈靈光句
悚仄無眠夜向闌

自題集後仍用前韵

才多老去不如前
况我無才更赧然
課讀未堪仍計日
吟詩還復自題年
但憑景物聊舒眼
得向風塵暫息肩
塗抹不休人齒冷
笑余結習在殘編
魚珠鼠璞示人難
強自編排摠未安
九轉工夫燒永淺

百篇境界望洋寬爲貪送日頻開卷豈覩逢時博改官
却枉名賢相贈答教人吟咏不會闌

再疊前韵

展卷重看悔却前他時欲悔量依然燒丹術已慚衰髯
見獵心猶似壯年月榭風廊時抱膝高軒曲檻每凭肩
驪珠早讓羣公得鱗爪何煩強綴編

年少捺觚不自難祇今字_匕費求安揣摩每苦神多隔
塗抹終嫌語太寬义手臂如圖作佛慊心何啻幸除官
浮沉百慮都休問獨有尋詩興未闌

正頤堂詩集

卷十

五

跋同年徐篁岑太史試帖詩後

聞說三條燼燭前乞詩同舍半恬然獨從見獵夸餘勇
共訝探驪勝少年李杜才高應降格郎錢風遠合平肩
等身著述人傳久別集今刊第幾編
賦就瑤華欲秘難被人傳寫滿長安心情蘊藉吟情遠
眼界高空詩界寬流播詞林真慧業敷陳雅頌豈閒官
平生愛讀徐陵集又把新篇坐夜闌

元旦早朝

乙酉

十度元正拜

玉墀又隨臺諫典朝儀羣瞻豹尾鳧趨日獨向螭頭鵠
立時每朝賀儀部郎四人御史四人立螭頭下糾儀曙色九華開鳳葆春風萬

驥尾龍旗小臣怵舞

天顏近更慶鄉關荷

聖慈

是歲四幸江浙

次許葭州除夕韻

一樽煖酒自流連似與嚴寒作別筵官牒閒時渾是客
宿逋償盡卽如仙心判老至曾何畏情憶中年悔慢牽
却羨夜分吟到曉殘冬新歲兩悠然

正頤堂詩集

卷十

七

次許葭州元日韻

纔收夜柝曙鐘新昨夕冬殘今日春拂面和風醒歲酒
照人晴雪淨朝塵相逢盡道年光好拜慶還傳樂事真
冠蓋往來相賀名也携樽榼就芳隣

送徐韞谷司馬之贛州任

台人不合得賢侯重綰銅符出贛州

初選台郡以外題有人改補贛州

暮雪初鎔眠驛穩春風正滿去帆柔行過嶽下青牛谷

坐擁城邊白鵲樓遙識下車新咏好傳將塗巷共吟詠

再見雙旌出上京洪都風物舊曾經我行慣倚滕王閣

君去先尋孺子亭千里一帆漳水碧層城四面穀山青
黃童白叟爭迎日來暮歌聲到處聽

蓼花洲畔片帆開計日遙登八鏡臺郭外波聲章貢合
城頭雲影鬱孤來能增部下田千頃但飲民間水一杯
刺史應如趙清猷獨知茂叔是賢才

清猷刺虔州周子
爲判潔已愛民清

猷亟
稱之

虔州從古是名區水繞山環境地殊驛路千峯通粵嶠
帆檣彌望接荆吳人家村落梅花共官舍樓臺月色俱
知與石城賢令尹廉泉同酌滿冰壺

令姪梅樵以去秋
出宰石城

正頤堂詩集

卷十

七

送許葭州入覲旋陝

御殿屏風已注名暫辭九陌擁雙旌梅花夜月過函谷
楊柳春風入渭城烟滿驛樓人語曉雪銷官道馬蹄輕
懸知行部重迎日別有除書出上京

觀象臺護月遇雨宿十方禪院

司天儀器列高臺測量還乘暮雨來入夜密雲仍自合
中宵皓魄却全開燈明晚寺疎鐘出斗轉巖城曙角催
共說妖墓今匿影未須蟻虱重徘徊

春夜與友人話故山

一樽春酒話巖阿，往昔芳華近若何。宅畔古松蒼蘚合，門前楊柳綠陰多。漁磯曾許鄰翁借，樵徑還從野客過。十載長安空鞅掌，每圖歸計旋蹉跎。

桑園趨事卽目

御溝西畔碧雲侵，夾岸春桑已滿林。高樹曉風聞鳥語，小橋流水出花陰。陂陀高下房櫳靜，徑路盤紆欄檻深。宛似江南村落裡，飼蠶人起日初臨。

奉

命改授保寧誌恩

正頤堂詩集

卷十

六

宵旰常懷西顧憂，分符

敕向古隆州。地連關隴秦邊徼，江帶夔巫楚上游。百折蠶叢通白馬，千盤閣道走金牛。括蒼郡僻三巴重，謫劣恭承簡命優。簡命優將之保寧，畱別諸同寅，仍用前倡和韻。

啓事晨趨

絳闕前歸來，盡諾共悠然。放衙釀酒娛閒暇，退直裁詩譜歲年。差幸早聯清署步，敢期常並掖垣肩。從今便作

風塵吏中外官階各異編

把袂郎曹欲別難漫勞祖帳出長安十年共事襟懷合
一日臨岐道路寬隴月正高過敝邑燕雲遙望憶同官
濤箋若到熏香署遮莫西山雪已闌

畱別諸同年

同時釋褐未央前不省頭銜遂判然相繼漸登卿貳日
獨慚猶在屬僚年徘徊

魏闕雲千疊馳逐王程月一肩憑仗贈言師往哲文翁
嘉績在遺編

正頤堂詩集

卷十

五

共說蠶叢蜀道難驅車折坂意偏安灞橋日暮詩情遠
劍閣雲開眼界寬恐點清班思乞郡敢邀虛譽博移官
臨岐不作陽關曲示我周行意未闌

畱別諸同鄉

携家同住鳳城前咫尺居隣巷陌然笑語但除趨直日
往還多似在鄉年雄談酒罷纔分手狂喜詩成更拍肩
今日一麾應別去瑤章珍重作藏編

到處登攀不畏難故園家向萬峯安慣經詰曲叢山迥
漫憶崎嶇道寬日遠楷模憂索處倍懷冰玉勵當官

傳聞闔苑神仙域存否樓臺十二闌

姪 明熙筠坡
熙豫秉宗 校字

正頤堂詩集

卷十

十



正頤堂詩集
卷十
十
熙豫秉宗
校字
明熙筠坡
姪
熙豫秉宗
校字

